

# Дагъиста

1/2021

# хъунул адам

ISSN 0132-9650

Даргинский

ДУРГЪАБ ПАГЪМУРТИ  
МЯХІКАМДИРЕС ВА  
ГЪАЛАДЯХІ ДАШАХЪЕС

НУШАЛА МАНЗИЛЛА АДАМ  
НУНИ РИШТІАХІЕЙЧИБАД  
БАЛИРА...

ЛЕБ ИЛГЪУНА ХЪАЛИБАРГ  
ВАТІА ХАССИ ТІЕМ...

ЧЕЛУКЪУТИ  
ИНЖИТВАРИЛИ ГІЕРГЪИРА  
ГІЯМРУ ЛЕРТИВ?







Галина Васильевна Пшеницына

*С праздником 8 Марта,  
дорогие наши женщины!*





# Бархира даршдусван бухъянни саби...

**1920-ибил дусла ноябрьла 13-личиб** Темирхан-Шурализиб бетерхурси Дагъиста халкъанала къалабали бучибси Съездли Дагъиста автономияла хЕкълизибси Декларация къабулбариб; 1921 ибил дусла январьла 21-личиб Дагъиста АССР акIахънила хЕкълизибси Декрет дурабухъун; баягъи ил дусла декабрьла 5-личиб биалли ДАССР-ла – Дагъиста Автономси Совет Социалист Республикала Конституция къабулбарибсири.

Илхейчирад даршал дус шалгердохъи сари. Дахъал секIалра дарсдиубли сари, гъар секIал дарсдиубли сари хЕдикIахIеллира. ИшбархIи, наб илкъяйда биъни багъесра чебуркъиб, лебтанилра декIар ДАССР ибси абриватурали се иргъахъусилра балули ахIен.

Гурра нуни аргъира, вегIла ванзала тарих дагъес ва аргъес секъяйдали къиянси сабилра, сенкIун шалгердохъунти дахъал даршдусмала гIямру нушани барсбикIуси заманализир ва илкъяйдали хъярхъли дарсдикIути адамтала пикрумала ва илдани дедлугути къиматунала бетуцлизир сари баяндирути. Марлирагу, «Убла манзил аргъес челябкъла аргъесичиб гъамадси ахIен» бикIутала масхарализибра бархъдеш лебли буили саби.

Дила наслула адамтани ишбархIи саби тарихла адамти биънилизил халбарес бирар, сенкIун нушала хIулбала гъалар улкала гIямрулизир бурес агарли халати анцIбукъуни кадикиб: манзилла башри къяббуиб, экономикала кабизла бетуц барсбиуб, нушани бекIлил дарсхIедирутази ва къиматчертази халдирути дурхъа-

дешуни булан къулай дешунагIиб умцIуси ва къалабали цархIил даражаличи бикес балбизурси даршдусла гъажлиур ибхIули сари...

Амма нушала ахIерси ванзаличи, ва, селичилра хIерхIеили, малхIямти ва уркIиаргъибти, гъабзадешличилти ва къияндешуназибад уруххIекIути тамашала адамтаци кахIедурхути диги нушазир дарсхIедидубли кавлули сари. Даршдусмазиб дагъистанлан адамличи хасси къиликъли бирусире ва илгъунали кавлули саби - сабур.

Дагъиста Автономия даршал дус бирусидуслизир республикализир Дагъиста жагадеш, цIакъ ва чебяхIдеш чедаяхъес ва мардарес дирути конференцияби, выставкаби ва дахъал цархIилти далдуцуну дурадуркIули сари. Нушаб гъаларти наслубас къяйдали, нушала наслулисера Дагъистан дурхъасили кавлули саби.

ЦархIилван биэсра хIебирар! СенкIун цархIилти аги-къяйдализиб нушала уркIазибси Дагъиста сипат барсбиэс ва бетаяхъес асубирар.

Ишдус нушани журналла бяхIяназиб, чули нушала гIямрула лерилра шалубазир жигарла бутIакъяндеш дарибти, Дагъиста гIилмулизи ва культурализи халаси пай кабихъибти, Дагъиста тарихлизи чула уми пахруличил делкIунти Дагъиста бегIлара пергер хъунул адамти гъанбикахъес къасбарилра.

Деэабиаб чула халкълис памятникунили бетаяурти нушала асилти Дабурлан хъунул адамтас!

Наида КЕРИМОВА

## НОМЕРЛИЗИР ДЕЛЧIЕНАЯ:

### ГОГИ



Ханна хъунуйс ясир дурхIяязыхъизур ва илала някъбира къяшмира арзахъес буйрухъбариб. Гоги айзур ва дигъунхIели инжитдиубти някъбира къяшмира суркдирес вехIихъиб. Гур, някъли лишанбарли, илини держес шин гахъес тиладибариб. .... 8

### ВАТИА ХАССИ ТIЕМ...



ГIядатла хъалибарг саби или эс дирудая хIушани, – рикIули сари ил, – амма сецад разидеш бирил итхIели адамтала уркIазиб. Секъяйдали илдас чула санигIят дигахъил ва ил къиматлабирил. Ялчни цабирахъути итхIели бузерили сабри. .... 13

### НУНИ РИШТIАХIЕЙЧИБАД БАЛИРА...



Ириъ нушала школализиб бузес шел земский учитель бакIиб. Илдазибад кIили гъандуцес хIебиуб ва нушачибадарбякъун. Пачалихълизирад касибти арцра гIеладяхI чардариб. Районнизив илгъуна ца историяла учитель лев зули..... 10

### ИЛДИГЪУНТИ САБИ БИРУТИ...



Илини сунела бузериличил районна шимала учительтачилцун ахIенну, лебилра Дагъиста школабала историкуначилра бархбасуни кадизахъурли сари. Гъар секIайчи творчестволичиван гъамриуси специалист сари. Илдигъунтас бирар бирусилези уркIи кабирхъуси хIянчизар сари бикIути. .... 36





Наб бурес дигулра Избербашла педучилищелизир преподавательли рузуси Гяйша Халидовна Баталовачила. Ил лугИлашал дахъал конкурсунала бутлакъянчи ва президентла шайзиради грантуни сархес бажардирикибси пагъмукар уста адам сари. Ил тамашала адамличила бурухИели, ну селичирад рехИрихъишара или пикририкIулра, сенкIун ил пагъмучерсицун ахIенну, жагаси, сарерхурси, цIакъси ва цазаманализир малхIямси сари.

# МЯХIКАМДИРЕС ВА ГЪАЛАДЯХI ДАШАХЪЕС

Иличила гъар секIал гъар-гIер-гъили дурес хIяжатбиркур. Дахадаевла районна КИшала халаси шилизир акIубси сари. Илдала шила адамти биалли бузери дигути ва устадешличил декIарбулхъути саби. Илала дудеш колхозлизив узусири. Сагал дуслу дуги автомашиналис бехIемц бетаурли таманкайубхIели, ил 25 дусцун сайривуубси. Гяйшала неш някъбачиб авал биштIатира сарира калунсири. Нешлис дурхIни абикъес хIяжатлири, илди къяшмачи тIашбатес ва адамти бетаахъес халаси къиян кабихъес хIяжатси биъниличила нешли ункъли балулри...

Сунела дурхIядешличила гъанбиркахъухIели, Гяйшани умутличил бурули сари нешлира, хала нешлира, дудешла рузилира чула лерилра гIямру дурхIнас харжда-риб или. Цалра дурхIялизи чула дудешла агри хIебагъахъур, ва гъар секIайзибад мурталра цархIилти хъалибаргуназибадти дурхIниван сабира гIердуцили дирутири или. Илдани дурхIни чахусанбирахъути ахIенри, амма илдас хIяжатти гъар секIал диахъес бажардибиркутири. ДурхIнази гIяхIси багъудикасахъесра бажардибикиб илди ва лебилра дурхIни пергер адамтилира бетаахъур.

РиштIали рирухIейчирад Гяйша узи-рузилизирад хIял-тIабигIят-

лизир дебали декIаррулхъусири. Рурсили сенал, сунечив халаси узи левли виаллира, чула хъалибаргла гIямрулизиб бекIлибуубси мер бурцусири, лерилра мягIничерти суалти ирзнилизир нешличил рархриусири. Сенрил илини багъур, нешли чула гамуш бицес къасбарили риъниличила. Гяйшала разиагардешлис ахир аги. Унрубала лебси гамуш, нушала декIар сен хIебирусив? Илини нешлизи гамуш хIебицахъес къасбариб. Нешлис цархIил бареси кахIелун ва ил гамуш батес къабулрикиб. Гяйша гъаман хъалчличи арицусири ва унрубала азбарлизи хIеррикIусири илдани мицIираглис сецад дугени хIядурдарилли багъес. Эгер унрубала дугени дахъал сари или гъанбикалри, ил дубуртази къар дердес, мура хIядурдарес рашусири, илди илини сунени гечра дирусири. Илдала гунери мурталра дугенили бицIили бирусири.

Гяйша гъаннара сунечи сари тамашариули сари, сенкIун илини сунела гъала халати мурадуни тIашдалтусири ва илди детерхахъес румсуси ахIенри. Илала неш школализир техничкали рузусири. Гяйша илизи суалрикIусири: «Сен хIуни багъуди кахIесири, хIукIун школализир учительницали рузес риради?» Рурсили сеннира багъуди касес ва учительница ретаэс къасбарилри.

– Дила чIумати хIял-тIабигIят сарри. Се барес ралризаслира, ил гIямрулизиб бетерхайчи паргъатри-эс риуси ахIенри, – пишрирхъули сари Гяйша. – Ну дебали дила хала нешличи мешуси риусири, куцбекIлизирцун ахIенну, баркъудлу-мазирра.

Хала неш биалли дахъал пагъмурти лерси, паргъатдеш хIебалуси адам сарри. Ил шилизир рурибси палтарла уста сарри. Шилизиб цабил палтар ибуси машина илини сабри тIалаббарибси ва бузахъуси. Ибесра уста сарри. ЧIянкIиличи някъиш дарес бали. БегIлара рурибси къалтинти душанра ил сарри. Секъяйда сакIубти дирил илала някъби! Бала лукIухIелира илала тIулби дулхъули сари или гъанбикесли бири. Илини нушабра унрубала дурхIнасра сегъунти ранг-рангла гъимиртазирад журабти думхил! Варгъила дабри дарахъесра иличи башули бири.

Нушала шилизир санигIятуни муйла дирутачира хъунул адамта дирутачира дуртIутири. Хъунул адамтачи хъарти хIянчи бекIдирес дила хала нешличи ариркуси шилизир цалра хъунул адам хIерири. Илини сунезирти устадеш набзира гIерисахъутири.

Гяйшани гъаннара бурули сари, лерилра халкъла някъла пагъмуртира устадешра мяхIкамдарес ва



гъаладяхІ дашахъес ГягІнибиркур или. ХъалицІализир пайдаладирути тІалхІяна, палтар ва цархІилти матяхІ булан гъалабла адамтани прикладное искусствола произведе-ниебала даражаличи адиркахъутири. Пластмасса ва тутіяла тІалхІяна-ли гІянжила тІалхІянала мер буциб. Илди дургІели кадилзули диъни багъандан.

Гъалабла устна дарибти палтар-личи булан пикри бяхІчиули рирар илини. ДурхІнас дирути сирми се-къяйдали далкъарахъутирилгъалар! Илдазир дурхІни мяхІкамбирути, илди хІули игнилизібад мяхІкам-бирути секІли булан дирутири.

КІишанти устадешличил деклар-булхъути бирутири гъалабра. Гъанна илдала устадеш, цархІилти мера-начирван, агарсила даражаличи детиркули сари. Къаркъала устни бирутири, мегъла устни бирутири. Илди гъаннара леб, амма камли саби. Мегъла уста сай ишбархІира МяхІяммад ГІяхІмадханов, къисла уста сай МяхІяммад ХІяжигІялиев. Дирсибти къаркъа диран сай Хидир-ла ХІясан. Гирайла Сулайбай биалли гамушла мукукуразирад лигала дурегабі дирули сай – шилизібти жагъил рурсба илди иштяхІличил тІалабдирули бирар.

КІишанти чугуртала бурибти уст-низира бирутири. Гъаннара чугурти дирули сай ГІялихІяжи ХІяжиевли. ЖягІпарла Сулайбай биалли, ур-

цуйзибад чугурцун ахІенну, сунени далайра пикрибирули ва сунени ба-рибси чугурличиб макъам бяхъили, далайра бучІули сай.

КІишаб гъалаб къалтинти ду-шуси фабрика лебри. Илаб бузули калунти къалтинти душантазибад саби Хамис ХІяжимяхІяммадова, Жунгучатла Хамис, Ичаева Сарат, Азрайла ПатІима. ГІяхІмадова Са-ратли гъаннара тугъарти чІухъанти душули сари.

– *Чула хъалицІа жагадарес багъандан КІишантани дакІудирути къайгъначила дахъал секІал дурес вирар, – даимбирули сари хабар ГІяйшани, – гъалаб бухъанси дорожка бушули бири. Ил шері реддугуси рурсилисра масван кабирхъусири. Ил дигалли чІябарличи тІинтІбарес вири, дигалли илизирад гавлагуни ва къупри дарес вири. ГІядатли биубли илдигъунти къупразир ризкъи дихІули бири. Ил чІянкІара ранг-рангла гъмиртазибад бушусири. Халаси къиян кабирхъили бирусири хъунул адамтани ил. Наб дигулра ил шайчирти устадеш ГІурра даимдиубли – жагъилтази рузулра.*

Илбагъандан сарри ну Избер-башла педучилищелизи ручес карерхурси. Илаб гъаннара деко-ративно-прикладное искусствола отделение леб.

ГІяйша Халидовна мурталра ум-цІлабазирси, барес пикрибарисі бе-терхахъурли бекІбарайчи багълахІе-рируси адам сари. Сарерхурси адам сари. Илис белчІудилира халаси разидеш бихусири. Амма иларра ил белчІудиличирцун паргъаткарируси ахІенри. Педучилище таманбарис-хІели, илини ДГПИ-ла художест-венно-графический факультетлизи карерхес къасбаріб. Илар биалли устадеш гъаладяхІ ардукес халати имканти лерри.

Илини мурталра ункъли бали сунес се дигулил, илбагъандан сарри ил тІашбатурси мурад сархес бажардирикусира. Школализир ру-зухІелира илини технологияла дур-срачіб уршбира рурсбира декларли бучІахъес къасбаріб.

ГІяйшани сунечил дарх школа-лизи ГІяхІцад дарсдешунира хиб, ил бучІахънила дуркъдиубти тяхІурти пайдаладирнилизірад ГІелумризур. Илис дурхІнази халкъла ГІядатуні, някъла устадеш дагъахъес дигулри ва ил шайчир сабухъчерли рузулри.

– Гъайгъай, сагакъянчибас дирга-лабулхъутира бирути саби. Иличила нунибалулри. Амма ил ГІевурцутира бирар. Набра илгъуна бетаур, – бу-рули сари илини. – Къаршили дура-бухъунтасра ну баркалла рикІулра, сенкІун илдани ну дебшларарира, тІашдатурти мурадуни сархес ба-гъандан рургъес иштяхІ имцІабиа-хъуб. Къаршили дурабулхъути агарти биалри, мажахІят ну сархиб-дешуни диахъес бажардирикиши.

КІишала школализир мерла хал-къла някъла устадеш, пагъмурти руркъяхъес рузуси ГІяйша БатІа-ловани ил шайчібси сунела бузери гъатІира халаси гъираличил даим-баріб рузес Избербаш шагъарлизи чаррухъунхІели. Илини педучи-лищелизир къалтинти душантала, хайдакълантала някъиш дирнила, урцуйзи някъиш дирнила, Усишала ва Мурегала шимазир жавхІейчирад дузахъули лерти някъиш дирнила секцияби акІахъуб.

Илала студентунала хІянчурби конкурсуначи ва фестивалътачи гъаладирхъутири. Илди къимат-ладирулри. ЧІянкІли 2 азир ибил дусличібад бехІбихъили илала ученикунани 40-цад конкурсли-зир бутІакъяндеш даріб. Илдала







хІянчурби ахъли кыматла дирутири ва чедибикибти устни шабагъатлабурутири.

2010-ибил дуслизир ГІяйшани бекІдеш дируси студентунала къукъяли «Челябкълализи ганз» бикІуси лебил Россияла конкурслизир бутлакъяндеш дариб. Россияла 42 регионна вакилтани бутлакъяндеш дарибтири ил конкурслизир. Бутлакъяндеш дарес дигутала 140 заявка дакІибтири ил конкурсличи. Илаб «Хайдакъла някъиш» бикІуси ГІяйшала проект цархІилтачибад чедибикибсири. Ил тамашала замана сабри. Конкурс ибхънилизир улкала бегІлара машгурти устнани жигарла бутлакъяндеш дариб. Илаб сабри ГІяйшани бегІгъалаб чебаибти Валентин Юдашкин ва Вячеслав Зайцев. Зайцевли маслигІятбариб ГІяйшази модала палтарла коллекция хІядурбарахъес ва илизир Дагъиста халкъла прикладное искусствола лишанти пайдала дарахъес.

2011 ибил дуслизир ГІяйша БатІаловани хайдакълан някъишла шайчиб Президентла грант сархиб. 2012 ибил дуслизир биалли илис Дагъистан Республикала рурибси учителъла хІурматла у бедиб. 2019 ибил дуслизир ГІяйшани сагали Президентла грант сархиб. Иш яргалис ил «ГІядатунала мицІирси гъмир. Дагъиста някъиш» бикІуси проектлис сабри бедибси. Халаси сабухъебси бузерила итог сабри ил чедибдеш.

Илини сунечиб бучІути дурхІназира рурсбазира хъарбусири, чула шимазир дузахъути някъла устадешла пагъмуртачила бурахъес. Дагъистайзир гъарил шилизир гъалар илдигъунти устадеш дирутири. Илдани дарибти ГІянтІикІа матяхІ базуртачир дирцули ва исули дирутири. Пгергъити дусмазир илди агарсила даражаличи детикили хъалли. ЦацадехІ шимала халкъла устадеш биалли лебилра дунъяличир булан далутутири. Масала, ГІярбукІла мургъи-арцла устначила, Унцукулла устнаурцуызирдирути ГІянтІикІа матяхІличила, булхърантала гІалхІяналичила. ХІера ца рурсили сунела шилизибад сегъуна тамашала хабар хибал. Илдала шилизирси колхозла председатель Грузиялизи вякъунхІели, илини иларад пирхикІла гІакъализи кадихъили тутла къачІни илии сай. Шилизир бурхра барили, тутла галгубала шиниша къялуби тутла милкъязи дергахъес кадихъили сари. Камси заманала Пгергъи чумал гавлаг къачІнала адаили дуили сари. ИлдазирадакІибти архІяла гъмиртазибад чІянкІи бершили саби. Илди къачІни халати шунгрази дуцІарти шиннизи кадирхъути дуилри. ГІур илдазибад назикси бухъяна гъмирсабилтІусири. Гъайгъай, дахъал авара дирахъуси хІянчи сабри ил, амма ил сабухъебсира сабри. Някъли барибси хІянчикІун мурталра ахъли кыматла бирусири...

Илгъуна бетаурсири бамбаличилра – илдала гъе Средня Азиялизирад хили дуилри. Бамба Дагъистайзирра ункъли духъули дуилри. Хъунул адамтани дурчути бамба дусличи дус имцІадикІулри. Балализирад гъмирти лукІулри ва чІянкІа-чІухъан дершес гъмирти дирутири. Бамбала гъмирти дируси чирха булан пикрибарибсири. Амма бамбала чІянкІи дирнилизирбад гІелумбизур, сенкІун илди фабрикабазир гъмадли ва халати къадуртазир дирулри. Дубуртазир чумилра журала гъалар дуибти някъла устадеш агарсила даражаличи детикиб ва илди халкъла гІямрулизирад урдизур...

– Бархъли бурасли, гъаларти дусмазир студентуни бучІахъес гІяхІцадла гъмадли сабри, сенкІун нуша хІяжатти секІайзирад ункъли Пгердурцули дирехІери: гъмирти, станокуну, рухъери, мастерскаябазир диэс гІягІнити секІал камхІедирахъи. ХІера гІяхІцад дусмазир нушани чеканкаби дирули ахІенра, сенкІун дубсила дукІути уркъли хІяжатли сари, илди гъанна дурхъадиубли сари ва исес дирули ахІенра. Гъанна гІяхІцад материалти нуни дила арц дедили исулра. Грантуни кайснела гІяхІидеш леб белчІуди ва бузери къябхІедердахъес, мастерскаябазир хІяжатти далга днахъес гъзабирулра, – бурули сари ГІяйшани.

Гъайгъай, илдира белгити къяндешуначи бяхІигули саби, амма ГІяйшас зигаррикІес хІейгахъу. Илала бузерила сархибдешуначила бурили Пгергъи, илала сари регІси хъалибаргличилара къантІ-къантІлилра хІебурили гІямахІебирар. Мурул ХІяжимурадра, рурси Зумрудра, рурсила мурул Мурадра ГІяйшачил барх педучилищелизир бузули саби. Рурсила халасигъуна уршира гъанна педучилищелизир учІули сай. Урши Султанра гІяхІси машинти ремонтдируси устали ветаур.

– *Къабуллирав ну дила гІямруличи ва бузериличи? – хъарбули сари ГІяйшани сунези сунени. – Тамай къабуллира. Наб дебали гъарбизур, сенкІун набзирти устадеш цархІилтазира гІерисахъулра. БикІуливан, убла агарли, ишбархІи биэс бирусси ахІен, ишбархІи агарли жагІялра биэс бирусси ахІен. Ну умутчерлира нушала халкъла някъла устадеш гъалтІра гъаладяхІ дашниличи. Илдани адамтас гъалаб къяйдали гІурра разидеш бихули кавлан!*

Сулгиат БУЛГАЕВА



*Хурматла Хамис Гябдусаламовна, Перзият Къурбановна,  
Гяйшат Къурбановна!*

*Гъала хлебла байрамличил хлуша мубаракдирулра! Арадеш, талихI,  
разити ва духъянти гIямру хлушаб дулгулра!*

*УркIла дигиличил ва халаси хурматличил «Дагъиста хъунул  
адам» журналла агълу.*



#### **ХIУ ЧЕРАИБХIЕЙЧИРАД**

*Ахътерекла ислава  
ХIу чераибхIейчирад  
ГIяламличила къайгъни  
АрхIедякъун набчирад.*

*Ца – цархIилти багъандан  
ХIерируси виънира,  
Ухес или алкIнира  
ХIечиблира аргъира.*

*Иргъес хIела хIерлиуб  
Гъайлизибад хIергъуси,  
ГIур хIечи мешурикес  
Ририра ну рургъуси.*

*Я къалпдеш, я хIярамдеш  
Хъа гъалар тIашихIедизур,  
Набзир хIела рухIхIели  
Илди хъурахIедиуб.*

*Иш ванза шар биалра,  
Биалра диркъеси хIайчиб,  
Урехира кIунбицIур  
ТIашихIели хIугъунтачиб.*

**ХАМИС МАЛЛАЕВА**

#### **ДАРГАН РУРСИ**

*ЧехъерхIела дусмала  
ЧеррикIла ралликъяна,  
ХIед делкIунти дугъбазиб  
Агара цалра къяна.*

*Бухариван белсунси  
Чурха чурира хIура  
ХъяшахIелил ралари –  
Нура хIела зиланра.*

*ТIабиГIятли хIед гибкъи  
Издагила жагадеш,  
ГIярчимагли урчиван  
Къяркъели дихIири жагъдеш.*

*Халичаба буцибкъи  
ХIу аркъуси хан гъуни,  
ХъумхIертурри урхIливан  
Гъалабла тянишуну.*

*Къисматли гъадуцибкъи  
Уталичир хIякимдеш,  
ХIела унабурхIличи  
ХъурахIедиуб хамдеш.*

*Ахъри дигиб хIугъунти  
Гъачам гъатIи алкIахъес,  
Яра хIела адамдеш  
АлкIутас пешкешдарес.*

*Россияла заклизиб  
Зубариван рурхIуси,  
Бишмабишаб хIела у,  
Минала дарган рурси.*

**УМУРАЙБАТ ХIЯСАНОВА**

#### **БЕРХИИ ХIЕРЕЙЧИБ САБИ**

*БикIар, Къудратла ВегIли  
БегIла чеввикIибсилес,  
Дурхъу къяркъети имтихIян  
Дебиладарес асилдеш.*

*ЦархIилтачи чяхI-забла  
Марка кадирукхIели,  
Къисматла къяркъети хъябхъя  
Сари хIечи чейгули.*

*ГIярзхIерикIуд чизилра,  
Адабла деби чIумали.  
Гъарилла уркIи иргъид  
УркIецили рицили.*

*ХIед букъурли даибти  
ПасихIдеш ва адамдеш,  
Гъар биркIайзир далгунти  
Дубурланна кагибдеш...*

*ГIямру къяркъедикIуцада  
Халкъличил малхIямлири,  
Къисмат къацIбащуцада,  
ЯхI-намус цIакъдирулри.*

*ХIу бархъдешла шягIурри  
ХIебалуси урехи,  
ХIу къяркъеси диванчири  
Агарсилес урези.*

**АМИНАТ ХIЯПИЗОВА**



# Поэт гъаниркахъули



Нушала машгурти поэтуни ва писательти чумал дусла бухІнаб цалис ца гІергъи, чула гІямрула гъуни ахъили, нушазибад декІар-бикниличи ишбархІира вирхаэс къиянни саби.

Дунъяла литература мурхъли бяркъурси, гъарил тугъличи ва девличи хІисабгарти гІалабкардешличил чекайзурси, гъарли-марси поэзияла гІемли гъигъдикІути гІягІямла назмурти лукІутири даргала машгурси поэт Амир Гъазини.

Сунела сай вегІси творчествола бетуц лебси, сунела назмурти цар-хІилталайчи мешути ахІенси пергер поэт сайри нушала Амир Гъази. Жагъли левалли гІямрулизивад арякъунси даргала, Дагъиста пергер поэт Амир Гъази ишдус гехІцали дус вирусире.

Ил пагъмучевси поэт сунела назмуртани, поэмабани, балладабани, хабуртани, къантІли буралли творчестволи лебилра дагъистанлантас гъамси ва хъумхІертессе ветаур.

Амир Гъазира, сунела зилантиван, дургъбала урши сайри. Дудешли ВатІан багъандан жан дедиб...

Нушани журнал бучІанти Амир Гъазини дунъяличирра бегІла дурхъаси адам – нешлис багъишлабарибси балладализебадси ца бутІаличилра тянишбирурла.

ПАТІМАТ ВЯХІИДОВА

## АЛХУНТИ МОРЯКУНИ

Ванзала михъирличиб  
АкІуб илди талихІлис,  
Урхъула лутІилизиб  
Паргъатбиуб даимлис.

ХІебикиб улхухІели  
ГІянжсилра уммайбарес,  
Нешван хІерси ванзалис  
БегІ гІергъи икрамбарес.

Къяцаланг рамчаначил  
Хъябруцбашули, илди  
ДуцІар хІила тугъачил  
ДекІли арбаши уди.

Тупана уркІаибти  
Чайкаба ясра бири,  
ГъайкІри гъудурти гъумли  
Капайван, кІапІра бири.

Ванза, ванза! Агара  
Илдала хІябри хІезир,  
Мургъила цІелдубицун  
Лер наслула уркІбазир.

Язихъти нешанира,  
ХІянбиубти хъунрира  
Вавначил башулигу  
Урхъу дубла гъаннара.

Амма бурая, илдас  
Вавни чина кархъутив?  
Пякъир хъунул адамти  
Чина къукъмусбиркутив?

...Нешани! Урхъуличи  
ДяхІчили тІашидизая,  
Ругертачи вавнала  
Халуби лайдакІая.

ЛайдакІая! АнцІкъили  
Нура вицІахъулрану...  
ЛайдакІая! Гъубзначи  
Рамчана диахъуну!

## НУ ХІЕЙРУС...

Мурталра бирар ванза,  
Закра даимлис кавлан.  
Биру дяхІи, диру заб...  
ЧІанкІли ну ХІейрус гъаман.

ДарсдикІар дуги-бархІи,  
ЯргадикІар манзилти,  
Ухар урми, Бац-БерхІи...  
ЧІанкІли диргІур дила хІи.

Духъар хъуми ва унхъри,  
Арцанти дучІба дучІар,  
Дирар байрумти, мукъри...  
ЧІанкІли наб дягІцун бучІар.

ХІергъис я чІяр, я далай,  
Я секІал чехІебиис.  
Наб гІямру, гІяхІти-вайти  
Дилшан шямван даимлис.

Амма диши, дяргІили,  
ХІедубкІар дигай дила.  
Набчил хІярихІедирхъу  
ЦІара цІакъра илдала.

Илди дирар кІаразир,  
Вавнала даруйтазир...  
Кавлан шадти, паиманнти  
Дигайла далуйтазир.

Гъачамалра хІехъира  
Нуни карцІайла милги,  
ХІебиалли къябхІевдар  
Набчил барх къисматла ги.



## НЕШЛИЧИЛА БАЛЛАДА

### I

Илини –  
 Бигубси,  
 Гарасван гамсси,  
 Къялубли агарси миг гъанбиркахъу...  
 ДуцІрум дуцІарили миъби чертІибси  
 Хъябшсиван,  
 Пикрума даим руржахъу.  
 Илала дяхІличиб децІли ва дусма  
 Души бершиб  
 Мурхъти, далкІти тугъачил.  
 Сурс-къакъар къяпІтиван,  
 Пякъирла тІама  
 ХилхІли дурабиркур гІянциси изайчил.  
 Ил муртрил  
 Биризла чІяхІяригъунси  
 Къуймур рирниличи  
 Чи вирхарусив?  
 БусагІят –  
 КъацІ бацІли хІебукухІели,  
 Бахъли ил рухънала уркІи иргъусив?  
 Амма илалара замана бири,  
 Тумазир  
 Цаличил хІи чяхІдикІуси,  
 ГІяшикъла хІулбачил ванза ва зубри  
 ТалихІ гъигъбирули, икрамдикІуси.  
 ЧІянкІли – гІяхІси ибси бегъуб, муэрван.  
 Шалал уркІи буциб къирла къирили.  
 Неш шишимта релкъун, урхамтаниван  
 ГІязабреркІиб дардли –  
 Раци,  
 Риркъубли...

### II

ДягІлизиб, заблизиб чеббалкІи,  
 Хъули  
 Арцурси чатІаван,  
 ХІера, ца бархІи  
 Нешла уркІи, тапван тяхІбикІахъули,  
 Кагъар дурабикиб – агарси бахъхІи.  
 ЛукІулри уришили...  
 Бакулизибад.  
 Дургъбази аркъулри жагъил лейтенант:  
 «Поезд шалгІеббулхъан Дербентлизибад,  
 Виасли, гІуррара лукІас илабад...»  
 Неш лерси мерличир  
 ГъятІриубсиван,  
 Каришиб уркІрухъи,

Хъумартурли мез.  
 Шинкъалар дягІли декъ пухІдарибтиван,  
 Цубдиуб, тят пенцІван, лямцІдикІути гъез.  
 «Дербент...» - шивкІиврухъун ил ахърирули,  
 ХІулбазир ца къасла урми адалкун.  
 АрхІяличи хунжи хІядурдирули,  
 Илини ил бархІи унабурхІ белкун.  
 ГІянручІ ил  
 Гъуйчирри –  
 БалхІебалуси  
 Шагъарлизи жявли раэс касрухъи,  
 Пергъи.  
 ХІебалули селра буреси,  
 ХІердикІулри гІянциси децІлизир хІурхъи.  
 ДуцІрумла цІа демжур.  
 Кабцла дабрили  
 Къяшми, тІимкъли къяйда, цІацІадарилри.  
 Палдаван дуцІарти пухІли, майали  
 Игули,  
 Нешла дяхІ цІудардарилри.  
 Гъункъяби къиблама бетаур илис –  
 БархІехъ Дербентлизи раиб дубурлан.  
 Милигдеш-гуидешла, рамсурдешла дис  
 КъисбикІулри,  
 Пякъир карикахъеван.  
 КІел бархІи, кІел дуги ил  
 Вокзаллизир  
 ГъанкІ агарли калун къакъадешлизир.  
 Чумилра поездла шятІ гІер-гІерагъур  
 Илала аргъайзир ва уркІилизир.  
 Илди  
 Бургъантачил,  
 ДекІти духбачил  
 ДягІван детухъири балагълизирван.  
 Дунъяла бархибдеш сунна хІулбачил  
 Чебиулри нешли, дирихълизибван.  
 Солдат чеибхІели,  
 Гъалаксаурли,  
 Гъамрири, уришила у гъанбуришули...  
 Амма илала гъай хІергъиб чилилра,  
 Къанбирули къяйда, шалгІеббашули.  
 Хунжазир къацІ-чуду деръуб, къаркъаван,  
 Реръуб, рацІиб илра децІ чебулхъули,  
 Дунъяла дардани гІелахъибсиван,  
 Неш хІябэсил бархІи чаррухъун хъули...



Булугунала машгъурси писатель Миясат Шурпаевала «Гоги» биклуси хабар 2011 ибил дуслизиб урус мезли дурабухъунси «Предания старины глубокой» биклуси жузлизиб бегI гъалаб кабахъибсири. Авторли дахъал дусмазир сунела миллатла тарихлизирадти хабурти, айтуби дурчутури. Гъалабла шамхалтира, шуйхрира, гIялимтира, гIядатла адамтира ил пергер жузлизи кадерхахъурти произведениебала игитунили бетаур.



# Гоги

Жъв замана Кази-Кумухла ханни МяхIяммад-хан вируси замана (ХУИИ ибил даршдула ургайчив) ханна нукертани гехIел дуслу гIямрула Гоги биклуси ясируцибси дурхIя Кумухлизи кили буилри. Гъуйчив Гоги чуйнал вебшес вализурли уилри. Илбагъандан илала къяшмира някъбира дигъес чебуркъили буилри. Вигъунси ил урчиличи мурдаватурлири ва ханна кIялгIялизи килри. Илав ил къаркъуба буцибси чIябарличи лайкакIилри. Ханна юртлизибти лебилра ил чезс дурабухъи хIербикIулри. КIялгIяла улкъайлизирад ханна хъунулра азбарлизовси ясирилчи хIеррикIулри. Иличил варх урчIемал дус виубси ханна урши Сурхайра леври. Муртрил ил хъунулра МяхIяммад-ханни ясируцибсири. Илис гъалар ил туркла гIяскарла бекIла хъунулри рирусири. Ил ясир хъунуйчи МяхIяммад-хан хъайчи кайибсири.

Ханна хъунуйс ясир дурхIя язихъизур ва илала някъбира къяшмира арзахъес буйрухъбариб. Гоги айзур ва дигъунхIели инжитдиубти някъбира къяшмира суркдирес вехIихъиб. Пур, някъли лишанбарли, илини держес шин гахъес тиладибариб. Хяла пукъала гъалабад нясси къям касиб ханна нукертазивад цали ва илизи шин кертIиб ва держахъес ясир дурхIялиси дедиб. Гогини къям някълизи буциб ва, гъимукIили, шайчибяхI игъуб ва тIутIукабияхъуб. ГIя-

сивиубси нукерли гIулухъа хIябал бархIилис дярхълизи дебаварухъес ва хурег агарли ватахъес хъарбариб. Держахъес шиалралугули ахIенри. Ханна хъунуй илис барибсира чебаиб ва сагали сари илди аварализи гъудурриуб. Ил тамашариублири урши висихIейъниличичи. УркIецIи бара или чичилрадугъахIейъниличичи. ХIятта илала гъимирта дигъунти къяшмира някъбира хъанцIдиубли диаллира. Къаркъайзир хъанцIдиубти меранира лерри, амма халати кабизалачебдеш дакIударес балулри камти гIямрула дурхIяли. Лерилра къиян-жапа илини цIумхIейкIули чекайсулри. Ханна хъунуй урши вирцахъиб, умути палтарли веIварахъиб ва ханна тавханализи кавкахъес хъарбариб. Илини къасбарилри гIялгIябза гIулухъа сунела урши Сурхайлиси къулдукъчи варес.

Гоги дебали духуси, серхурси ва разиси дурхIяли увухъун. Камси заманала ухIнав ил булеги мезли гъайикIесра бурсивиуб. Сунела сай гIяжамли учIес-лукIесра бурсивиуб. Ханна азбарлизи гъаман ханна ва беканала дурхIянала ургар дурадуркIути декIар-декIарти абзаназивра ил чедииркес бажардииркулри. Гъайгъай, давлачебтала дурхIнас илис удибиркес дигули ахIенри. Камси заманала гIергъи, дурхIнани ясир дурхIялизиб се-сабил чули аргъес хIебirusи лебли биъни хIясиббариб. Ил сунези сай гъайикIул-

ри, улхъулри, чис-сайрил ургъулри, серил гъумурбирулри. ДурхIнас гъанбикилри Гоги шайтIунтачил гъайкайкIули сай или. Гоги илгъуна хIяйчив чеибсили цархIилти дурхIнази иличила итмадан балахъулри. Цалабикили илди лебилра Гогиличиб дукаркIулри. Сай Гоги биалли илдазивад чидил-биалра гIямзила дигIяниркулри.

Амма гъачам Гогили сунечибси хIяйчила хъумартур ва ханна урши Сурхайличил къалмакъар дариб. МяхIяммад-ханни ил кIялгIялизи-вад дуракаиб ва хъубзурачил варх узахъес ургубализи вархъиб. Хъубзуранира хIясиббариб Гогиличибси хIял: ил сунези сай гъайикIули, чис-саял ургъули виъни ва ил абдалиубсилизи халирескабиб. Илкъайда чумал дус ардякъун. Гогили гъанна дуразли хъу балцес вирулри. Илала мер гъанна ургуба бетаурлири.

Сенрил Кумухлизив хIерirusи урибси мургъи-арцла уста ГIиса бамсрияхъес ургубализибси гIинизла мякълав хъарихъи уили сай. Ил гъаман узес таша вашуси уили сай: Грузиялизи, Азербайжайзи ва цархIилти мераначи. ДуцIрумла замана чумал базлис уили сай ил Гъази-Кумухлизи чарулхъуси. Ил бархIира ГIиса гIинизла мякълабси низгъала къадала дяхIцIилиув бамсриихъули левли уили сай. Илини хапли мякъларадчили сарил дурути гуржнала гъай аргъили сай. ГIиса



гъанклизивад чеваргъили сай. Гуржи мез сунени аргъибти муэрлизир хледъниличи шакикили сай. Гиса гъайличи лехлахъили сай.

– Неш, наб дебали гЯхИдизур хЛуни буртлизир дерцИбти урцецуни, баркалла хлед. ХЛуни наб гЛурлис хЯжланКила декълизибад кашра балкъаахъа, нусиличил гЯхИси бирарну. Нуни хЛуша гъанна иш ургубализир даКИбти картошкали далхарая. Нуни илди дирцили умударира. Ишдира дебали бизити сарину. ХИера ишди хЛушаб сари, дила неш, дудеш, Доди ва Тина...

Мургъила уста Гисани илдигъунти гъайра дурули, сай кайхъунси мерличирти къаркъубала гъала дерцИбти картошка кадирхъуси гЛулухъа хЯсибварили сай. ДурхИялигъарил къаркъала гъала картошка кабирхълри.

– Сен хЛуша лерилра хЯялагардиубли кадибтирая, хЛушази нуни чебиахъис нушала рухъна ГЯжу секъяйдарулхъули рирарал. ИлхИели хЛуша лерилра разидирудая! – ва ил гЛулухъа валкИкЛули делхълизи кавхъун.

– Амма ГЯжу малхИямси хъунул адам сари. Илини сунела къял изу хИели, набра ниъли хъаба бирцЛули рирар. ГЛурра, ил набзи рикли, хЛу гЛурра цакъадар халаваибхИели, ханни хлед урчи луга ва нушачи шадив вашес вируд. ИлхИейс, гъайгъай, Додира Тинара халабиур. Илдинуни хлебагъесра асубирар. Амма, неш, хЛу нуни даршал дусла гЛергъира ралари...

Ил замана музаличибад «Гоги, хЛу чинав сайри?» или тIама аргъиб. Ил харчизур ва, шинна бержили, сунези жибиклуси мерличивяхИ дуцли арякун. Гиса гЛулухъа уибси мерличи гъамиуб ва чузи ил гъайикЛути къаркъуби чедаиб. Гъарил къаркъала гъалаб гЛулухъани кабихъибси картошкара лебри. Гъарил къаркъализи гантарили адамла дяхИла суратра барилри. Гисанира аргъили уилри ясируцибси тамашала дурхИяличила, ва гъанна сунени чеваибси ил виъниличи вирхаурлири. «Ахмахуни илди саби буили саби, балагълизи викибси дурхИяла уркИи аргъес хИебиубти... пакъир дурхИя», - пикриухъун Гиса. Ил бархИи бархИехъ Гисани Гоги варгиб ва иличил гуржи мезли гъайкавхъун. Сунела нешла мезли гъайиклуси адам чеибхИели, Гоги гъала-гъала тамашавиуб, гЛур илала хЛулбазиб разиси лямцИ багъарбиуб.

Гисани сай ваибти Грузияла мермусаличила дахъл хабурти дуриб,

Гоги чинавадси саял, илала гъамти чихъали сабил хъарбаиб. Илди гъандиркулил багъур.

– Гъайгъай, гъандиркур!- разивиуб Гогира, ва чула мер-мусаличила хабурти дурес вехИхъиб. Сунела бегИтачила, узи-рузиличила буриб. Унруби булан гъанбушиб. Чула халкъла гЯдатуначила ва дурхИна илар дузахъути хИязаначила гъайикЛули калун.

– ХЛу ишав хЛерирули шел дус виублири. Амма итар деркИбти гЛямру хлед гъаннара гЯхИил гъандиркули дуили сари, – Гиса дебали тамашавиуб уршили чула мер-мусаличила ва сунела гъамтачила дурути хабуртачи лехлахъибхИели. – Севан имканбакИба хлед илдачила хъмхИертес? – хъарбаиб Гисани.

– Нуни дила ВатIанра, илаб хЛербирути узи-уршира дила бегИтира хъмартасликIун, ну вебКнигъуна сабила. Ну ил барес къабуликес хИейрус. Илди нуни мурт-биалра баргес гЯгИнибиркур. Белики, хЛу

нушала мер-мусаличив къаршиикибхИели, дила гъамтачи музаухъиши ва набчила хабар буриши? Илдас гъанбиркули бургар, гъанна ну мицИрли агара или, – викIар Гоги.

Илала гЛергъи Гиса гЯхИцад замана ил уршиличила ва илис бетаурсиличила пикриикЛули калун. Илис секъяйда кумекбарес вираралра пикриухъун. Илини ханна Истаджал биклуси гъай бузуси адамличил къаршиикес къасбариб. Илкъяйда баррабариб. Истаджалли ханнизира бурили уилри ва мургъила устачил варх Гоги сунела гъамти чебаэс укъяхъес къабуликиб. ЧЯнкИли Гисани Гогила бегИтазибад дурхИя чарварнилис багъа сабухес гЯгИнисире. Ил хлебаралли, дурхИялис кабизахъурсе багъа сай Гисани ханнис бедес гЯгИнисире.

Илкъяйда Гисани Гоги сунела бегИтачи ва сунела ВатIайзи арукибсире.

Миясат ШУРПАЕВА







Дагъистан Республикала рурибси учитель ва Табасаранна районна Хучнила шилизибси цаибил лицейла директор Жайран МяхИяммадовна Кулиева педагогли рузули 33 дус риубли сари. Ил районна цахІнабси багъудила школала бехІбихъудла классунала завучли рузулира калун. Лицейла директор ретаурхІейчирадра верхІел дус шалгІердухъи сари. ХІера се бурулил илини сунела бузериличила.

# НУНИ РИШТІАХІЕЙЧИБАД БАЛИРА...

**Д**ила лерилра гІямру педагогли рузули аркъули сари, цархІил санигІят бузахъули кахІелунра ва цархІил мерличир рузес хълхІериубра. РиштІали рирухІейчибад балусири нуни педагог ретаруси риъниличила,– буриб набчил ихтилатрикІухІели Жайран МяхИяммадовнани сунени санигІят чеббикІниличила.– Ил санигІят бузахъес камти гІямруличир лералли хІядуррикІулира калунсири. Дила дудеш педагог сайри. Илбагъандан нуни педагогла санигІятличила риштІахІейчибад

багъурра. Дила дудеш лерилра гІямрулизив наб гІибратли ветаур. Наб дудешли дурсри кадирхъули калун ва нуни илди гъаннара хъумартурли ахІенра. Дебали хІяздухъести дири илала дурсри, дурхІни иличи халаси иштяхІличил лехІихъутири. Илбагъандан бурги нуни учитель ретаэс къасбарибсира.

Дудешла гъуни даимбарес къасбарира ва ДГПИ–ла англиялан мезла ва географияла факультетлизи ручІес карерхурра. Институт таманбарили, районнизи чаррухъунхІели, касибси

санигІят хІясибли рузес наб мер агарли уббухъун. Наб бехІбихъудла классуназир рузахъес маслигІятбариб. Илбагъандан наб гІурра ручІес хІязатбикиб.

Набчил барх институтлизиб бучІули калунти гъалмагъунази нуни англиялан мезла дурсри кадирхъули ахІенра или бурес булан урузкІули калунра. Амма бехІбихъудла классуназиб бузути педагогунала бузериличил тянишриубхІели, дила уркІи паргъатбиуб ва илар рузес иштяхІ имцІабиуб. Класслизибти дурхІни



хИела хИулбази хИербикIули саби ва хИуни бурибси гъай уркИилизи бурцули саби. Набзир илхИели сарри дурхИначи гъарли–марти диги акIубти. Илкъяйда рузули рехИрихъбси ну гъанна халаси школала–лицейла директор ретаурлира. Бархъли буралли, гъанна ну педагогцун ахИенрану, администраторра сарра,–бурули сари илини.

– **ХИед школала директор ретаурс или гъанбиркули калуну?**

– Калун хИерикIус, сенкIун ну дурхИначил рузулри. ИлхИелира наб бузерили халаси разидеш бихулри. ЦархИил мерлар рузес биалри ибси пикрира аги. БехIбихъудла классунала завучли рузухИели сарри набзирти организатордешла устадеш дагъардухъунти. ГIур наб школалис бекIдеш дарахъес маслигIятбариб, иличи ну къабулрикира. Балулри халати жавабардеш хъардиркули диъниличилара. Нушала школализир илхИейс кадизурли дузути пергер гIядатунира лерри, ну илдачил тяниширэсра ралкъаурлири. Илала дурабад, набчи бихъбси бирхаудира марбарес хИяжатлири. Нушала школа районнизиб бегIлара бахъГи биубси ва бегIлара халаси саби. Арбякъунси дуслизиб нушани школа абхъибхИейчирад 100 дус дикнила байрам дураберкIира. Школа 101 дус бирухИели биалли нушала школала даражара барсбиуб – ил лицейличи шурбатур.

БелчIудила ил дус нушаб хИялумцIусили бетаур: школала педагогуни семинартачи башули калун. Бузери сагаси тяхIярли тIашбалтес бурсибиуб. Цайбти гунзрачи нуша разили калунра.

– **Сагаси даражаличил, сагати бузерила тяхIуртачил, амма гъалабла школала юртлизир. Сегъуна даражаличиб сабри районна гIяхIсигъуна школала юрт? Илизирти шуртIри тIалабуначи далдикилрив?**

– Школала бекIлибиубси кИидерхИла юрт 1967 ибил дуслизиб Майкоп шагъарлизибадти строительтани тIашбатурсири. 2015 ибил дусличи бикайчи ил капиталный ремонт

хИebarили калунсири. Районна гъалавла администрацияла бекI ГIялаудин Мирзабалаевли школала юртла бухИнала ремонтбарахъес арц декIардариб. 2019 ибил дуслизиб нушала лицей «100 школа» бикIуси программализи каберхахъурсири. Гъанна биалли чебаэсра нушала школа сагасигъуна саби. Ил районнизибси культурала центрличи шурбухъи саби. ИмцIатигъунти культурала шайчирти далдуцуну илизир дирар дурадуркIути.

Илдазибад 18 «РФ–ла цахИнабси багъудила хИурматла хИянчизар» ибси уличи лайикъбикибти саби. 9 учитель «Дагъистан Республикала бурибти учительти» саби, Ца учитель «РФ–ла урибси учительла» хИурматла уличи лайикъбикибси сай. Гъарил коллективла бузери кыматлабирухИели, илизиб бучIути дурхИнала сархибдешуни хИисаблизи кайсути сари. Нушала школа унраличирти районтазибра ункъли балуси саби.



– **Арбякъунси дуслизив районни вакIибхИели республикала бекI Владимир Васильев хИушала школализира вакIибсири. Иличил биубси гъунибаъни секъяйда бетерхура?**

– Нушази багъахъурсири Владимир Васильев хИушала школализив шел минутличив имцIали кахИевлан или. Илбагъандан нуша илис гъунидаэс хИядурдиубра. Республикала бекIлис нушала школа дебали гIяхIбизур, байхъала сгIятцадхИи ил нушачив калун, гIяхIцад суалти гиб, нушала бузериличил тянишиуб ва разили калун. Нушала бучIантира илис гIяхИил гъунибаиб.

– **ХИуни бекIдеш дируси коллективличила тIинтIливан хИебуриду?**

– Сен хИебурисири. Коллективлизиб 76 учитель бузули саби.

– **Барх бузути хИянчизартачил уржибти бархбасуни хИуни секъяйда кадилзахъулри?**

– Гъала–гъала нура коллективла духИнарти бархбасунала черкад къакъарикIули калунра, сенкIун коллектив уржибси биалли, хИянчизартач бузес гъамадли бирар. ИлхИели сархибдешуначила гъай диэс дирар. Директор сарлин илди бархбасуни кадизахъес ну бажардирикира. Барх бузути бахъИила хИянчизартачи ну цархИилван хИеррикIусира. Илди дила къакъбяхъуни саби. Илди халати устадешличилра декIарбулхъули саби, чузирти устадеш илдани жагъылтазира гIерисахъули саби. Илдани гъачамлис компьютертачил бузес балули хИебиаллира, сагати технологиябира васвасъалаличил къабулдирули биаллира, илдала бузерила опытличи нуша хъархИейхъес хИедирехИе, сенкIун илдала бузерила



бетуц г'ямрулизиб х'ялумц'урси саби ва сархибдешуначил дек'арбулхъуси саби. Амма информациябала шайчирти сагати технологиябачил бузес балути жагъил специалистунира нушаб х'яжатли саби. Шимала школабас илди хаслира х'яжатти саби. Ну лицейла бузериличи къабуллира.

– **Х'уни дурх'инас дурсирира кадирхъулри къалли?**

– Дурсрачи ну халаси разидешличил рашули рирус, дурх'иначилти бархбасуна наб халаси разидешра биху. Директор мурталра учительли калес г'яг'иниси сай.

– **Х'ушала лицейла бузери царх'илти школабала бузерилизибад селичил дек'арбулхъулиб? Х'ушала сархибдешуначила ва гъарбизуначила х'ебуриду?**

– Багъуди кайсахъути белч'удила заведениебала гъала т'ашдизурти мурадуну цагъунти сари. Бузерила итогуну х'ясибли нушала лицейлерилра школабас гъалаб бирар. 2007–ибил дуслизиб нушала лицей «Миллион» бик'уси Президентла грантличи лайикъбикиб. Итх'ели гъарил учительлис даршал азир къуруш х'ясибли гибтири. Г'ергъиси замана биалли илкъяйда лугути арцла къадар к'инали имц'абарили саби. 2018 ибил дуслизибра нушала коллектив Россияла г'ях'итигъунти школабала луг'илизи каберхес бажардибикиб. Илди дусмазиб нушала школа даршал ученикли мургъила ва ц'уб арцла медальтачил таманбариб. Иличи нушани пахрубирулра.

– **Гъаман нушани шимала дурх'ини барсбиубли саби или иргъулра. Илдани халаси наслула адатанигъуна бяркъ кайсули ах'ен или. Се бурида илала х'екълизиб?**

– Илгъуна пикриличи ну бек'лил къабулли ах'енра! Нушала дурх'ини илдас селизибалра г'елабулхъули ах'ен.

– **Школал дурх'инани саниг'ят чеббирк'иниличи асарбирулиб?**

– Нушала лицейлизиб буч'ути дурх'ина саниг'ят чеббирк'иниличи школал асар бирули биъниличи ну тамай умутчерли сарра. 9–ибил классличирад дех'идихъили ил суал

нушала пикрила х'ерудилиуб бирар. Преподавательталара ил шайчиб къайгъи чебиулра. Нушанира «Гъа-ладях'и дашнила манзил» бик'уси проектлизир бут'акъяндешдирулра. Республикализир ил проектлизир 167 школал бут'акъяндеш дирули сари. Илдазирад 5 школа нушала районнизиради сари.

– **Х'ушала лицейлизиб учительти–миллионщикуну лебу?**

– Ириъ нушала школализиб бузес шел земский учитель бак'иб. Илдазибад к'или гъандуцес х'ебиуб ва нушачибад арбякъун. Пачалихълизирад касибти арцра г'еладах'и чардариб. Районнизив илгъуна ца историяла учитель лев узули. Земский учитель арх'явкъяхъес багъандан, илала рурси нушала ишавадси уршилис ураркъибсири. Земский учительтала шайчибси х'яракат улкала президент Владимир Путиннира ункъли чебаибсири. 35 дусла г'ямрула шила учительлис миллион къуруш дедлугни, гъайгъай, илис бируси халаси кумек саби! Шимала школабазибк'ун дек'ар–дек'арти предметунала учительти биули ах'ен.

– **Х'ушала лицейлизир хастиклассуну леру? Арадешлизибад нукъсанбикибти дурх'ини школализиб буч'ахъниличила сари дила гъай.**

– Нушала лицейлизибра чула хъулразиб буч'ахъути 8 дурх'ия леб. Илди белгиси замана школализира бикули бирар. Имц'аливан илдас дурси кадихъес учительти илдачи хъули башути саби. Коррекционный багъуди кайсахъуситях'ярнушанира г'еббурулра. Реабилитацияличи х'яжатти дурх'иницун ах'енну, дурх'инала бег'тира къаршибиркули бирар.

– **Табасаранланта хъалибаргуну халати дирар. Х'ела хъалибаргличила се бурида?**

– Муруйс Рафик Саадулаевич Кулиев бик'ар. Ил дила шан сай, шила администрацияла х'янчизар сай. Нуша дишт'ах'ейчирад унраличир х'ердирутири. Ну студентли лералри хъалларирух'ели. Илала бег'ти дебали г'ях'ити адатти саби.

Илдани набзи очно руч'ули институт таманбарахъес имкан гиб. Наб аспирантурализи карерхахъес маслиг'ят барибгу, ну ил барес къабулх'ерикира. Нушала х'ябал дурх'ия леб: к'ел рурсира ца уршира. Аннанира Диананира ДГУ таманбариб. Урши Шамил гъачамлис уч'ули левал.

– **Х'у Хучнила шилизир ак'убсириб?**

– Ну Ушнигла шилизиради сарра. Хучнир 1975 ибил дусличирад х'еррирулра. Дила дудеш шилизив учительли узусири, амма ил узахъес райкомлизи шуратур. Илх'ели нуша райцентрлизи гечдиубтири. Ил бахъх'ила х'янчизартала– ветерантала Советла председатель сайри. Гъанна пенсияличив сай. Неш Къистаман дурх'инала неш сарри, рурибси къалтинти душан рири. Хъалибарглизир нуша гех'ел лерра: 4 узира 4 рузира. Лебтанилра чебах'иси даражала багъуди касира. Гъайгъай, ил дудешла халаси баркъуди сабри.

– **Нешла мез руркъяхънила агисегъуна сабив? Учительлис даари сяг'ятуни леру?**

– Нуни урус мезра англиялан мезра ункъли далас, амма пикририк'уси табасаранлан мезли рирус. Ну нешла мез калахъес кабизуртала луг'илизирад ца сарра. Аргъес рирули ах'енра, сенцабех'и бег'тас дурх'ина нешла мез дяркъулри х'ейгусил. Нушала школализир табасаранлан ва азербайжанлан мезла дурсри кадирхъути сари.

– **Сагал дуслизиб х'ед се буресдигулрив Дагъиста багъудила х'янчизартас?**

– Баркала ну г'еррурцуси нушала лицейла коллективлис. Нушала коллектив ункъли бузес бажардибиркули саби. Сагаси дуслизир гъат'ира г'ях'ити сархибдешуну дихъес бажардидиркх'е.

Багъудила х'янчизар мурталра гъалавах'и вашули виэс г'яг'иниси сай! Дила районна ва лебилра Дагъиста учительтас г'ях'иси арадешра талих'ира дулгулра!

**ВИОЛЕТТА РАТЕНКОВА**





## ВАТІА ХАССИ ТІЕМ...

Ванзала зе... илгъуна пикри бекІлизи башули бирар гІядатла дубурлантала гІямру дуркІути Дагъиста адамтачила гъай детаурхІели, сенкІун илдала гІямру ца бетуцлизир ардашули сари. Илдани чулира хала бегІтала гІядатунни дузахъули ва даимдирули саби. Илдаци хаста хІял-табигІятла къиликъунира лер. Селисалра гъалаб, илдигъунти адамти чузирти халати адамдешличил ва алавчарти гІямрулизир жигарла бутІакъяндеш дирниличил декІарбулхъули бирар.

**Ю**хананова Ольга Аврумовна сари иш яргализиб наб сунечила бурес дигуси пергер хъунул адам. Илини сунени бузахъуси санигІятла халаси хІурмат бирули сари ва сунела гІямрулизирти дахъал секІалиличил уржили дархдасунтази халдирули сари. Илис сари акІубси шагъар дебали дигахъу ва сегъунти къулайдешуни дираллира ил цархІил мерличи яра шагъарлизи гечриэс къабулхІериркур. Илис сунела шагъарлизибси гъава булан бизисиван кабилзули саби.

БахъхІила Дербентлизир акІубси ва халараибси сари ил. Илис сунела

шагъар лебилра дунъягъуна леб или гъанбиркули саби. Илини сунела талихІра ил лебгІеб тамашала шагъарлизиб баргиб. Дигахъу илис шагъарлизиб хІербирути халкъра. Илдира илаб чумилра миллатла леб. Чула шагъар дигахъути саби илди лебилра.

Ольга Аврумовнала лерилра гІямру Дербентлизибси Советский Союзла Игит В. Громаковскийла уличилси цаибил школализир математикала дурсри кадирхъули аркъули сари. Дурхъасилизи халбирули сари илини учительла санигІятра.

– МажахІят хІушани балули ди-

ша наб се сабил математика, – умутчерли гъайрикІули сари ил. – Лебилра дунъя математикала алгоритмабачиб белшунси саби. Инсаниятла челябкълара математикала дурусти ва хІялумцІурти баянти хІясибли сегъуна бирарал белгибарес вирус сай. Ишар гъай гъалахили челябкъла бурути екстрасенсуначила ахІен. Илданира мурталра бархъдеш белгибарес бирули хІебирар. ХатІабикес бирар. Математикали биалли белгити кам-гъамти секІал булан хІисаблизи кайсахъес имканти лугули сари. Тамашали дурусси гІилму саби. Математика дигути дурхІнала



## ЛЕБ ИЛГЪУНА ХЪАЛИБАРГ

ил предмет къянси саби ва бяркъес гъамадли хъебарар ибси урехи бизе хъебарар, – хъера илкъяйда рикъули сари сунела предметличи дигили рицъибси пагъмукар педагог.

– Дурхъялизиб хъуни математикаличи иштяхъ акъахъес рии, гъур ил сай гъилмулизи мурхъиркур. Цаличир ца къянти суалти тлашдалтес ва илдас жавабти дургес бурсиарар, – имцъабирули сари илини.

Илдада халали ахъенси квартиризир дахъал секъал агара. Амма илав къаршиикибсила пикри битъикъу хъулирти къасурбачирти жузала дахъдешли. Илдада хъалибарглизиб математикаличи лебгъеб дурхъаси секъайчиван гъамбирни гъядатли бетаурли саби. Дукаркъули Ольга Аврумовнани бурули сари Иосифлис сари шери рякъунси илис дебали математика дигахъухъели сарри или. – Цархъилван бизера хъебири. Ил набчил тянишиес школализи вакъибсири. Илхъели багъурра нуни ил дурусти гъилмурти дебали дигуси адам виъниличила. Илкъяйда акъубсири нушала хъалибарг.

Ольга Дагъиста педуниверситетла студенткали лералри, школализир дурхъинас лугъурбала хъекълизирти дурсри муэртазир кадирхъули чеди-



эс рехъирхъибхъели. Бегътара рурси гъар секъайзирад гъеррурцулри. Илала пикриличира лехъихъулри. Илала дудеш чягъир дирусиде заводлизив узусири. Чягъирли дицъибти цистернабачил поездличив улкала гъарахъти мераначи вашусири. Дебали жавабласи санигъят сабри илала. Гъуйчив бехъемцъилизи викесра вирусири. Амма гъар секъал хъисаблизиде кайсуси ва мяхъкамли вяшикъес балуси адам сайри ил. Неш биалли Дербентлизибси «Радиоэлемент»

заводлизир комплектовщицали рузусири.

– Гъядатла хъалибарг саби или эс дирудая хъушани, – рикъули сари ил, – амма сецад разидеш бирил итхъели адамтала уркъабазиб. Секъяйдали илдас чула санигъят дигахъил ва ил къыматлабирли. Ялчни цабирахъути итхъели бузерили сабри. Илала неш-дудешра чула хъанчиличир кадиркути анцъибкуначила хъулибра гъаман гъайбикъутири. Советский замана учительра бегътара хъурматла санигъятуназибад ца бузахъусилизи халирусиде. Адамта илала халаси хъурматра бирусиде. Учителъла гъайличи адамти лехъихъутири. Илизи ит яра ишил суалла чебкад хъарбиутира бири. Ну учителъла санигъят чебикъиниличи ишбархъира пашманриубли ахъенра. Ишбархъи учитель цархъилти аги-къяйдализив узули ва хъерирули виаллира. Гъар бархъи ну школализи гъаннара гъяхъси гъавличил рашулра. Ну адамтас хъяжатли риъни балулра. Нуни бучъахъути дурхъини гъяхъти адамти бетахъес риубцад халаси пай кабирхъес къайгъилизирра.

– Дила мурулра математик сай или чедибра бурира. Нуша цаличи ца дебали далдикъибтира сарра. Цали итилла уркъигъай агарлира иргъули дирехъе, – бурули сари Ольга Аврумовнани.

Иосиф Малачиевич итди жапати 90 ибти дусмазив дурхъинала юртлив старший воспитательли узусиде. Илинири пионертала юртлизир математикала ва театрла кружокунира дузахъутири. Ил сунела хъанчилис халаси замана харжбирес жявлил бурсивиублири. Ил дурхъинала юртлизибти цъуръабачил дебали малхъямли вирусиде. Илдас гъартяхъярли икъалаирусиде. Илдаскъун бегътала шайзирадти дигира лявра чедаэс къадарбиубли ахъенри. Иличи дурхъинира мурталра битикъутири. Иличи бирхарутири. Дурхъиначил гъай дургес илизир устадешра лерри. Дурхъини дигуси сайхъели, илини се балбуцалра, дурхъинанира илизир





жигарла бутакъндеш дирулри. Ила-ла халаси къайгъи лебри дурхИни, селисалра гъалаб, гIяхИти адамтили бетаахъес. ИлхИели илди чусра гIямрулизиб хIербиэс гъамадли бирар. ДурхИнала юрт илис бегIлара дигуси мерли бетаурлири. Илав Иосиф сунела хъуливхIелигъуна сайри.

– Ил гъатIира гIяхИси мер баргес умцIули кахIелун. Илини сай узуси мерра баибселизи халбирулри. Гъалмагъуначилра дебали валикибси сайри, – бурули сари Ольга Аврумовнани. – Нуша хъалладиубти цаибти дусмазив Иосиф набзира «Рашигу хIерварес дурхИнала юртлизиwad ца дурхIя кайсехIену» - викIусири ил набзи. Амма ну ил барес итхIели хIядурли ахIенри. Ил дебали жавабласи баркъудилизи халбирулри.

Илдада чула дурхИни акIуб. Илди Ольга Аврумовналара Иосиф Малачиевичлара хIябал леб. Амма дурхИнала юртлизиwad ца дурхIяра чули айкъес ибси пикрилизибад гIелумхIебизур. Илдада цаибил урши Малачи гъанна халакаибси адам сай. Ил Израильлизиб хIерирули сай. Илаб илдада бахъал тухумти хIербирули саби.

– Израильлизиб нушала урши касибси санигIят хIясибли узули ахIен. Ил экономист сай. Диплом марбируси бузерила стажра хIяжатси буили саби Израильлизиб. Амма иларти гIямруличи Малачи къабулли сай. Рурсби Ревеккара Ольгара кIилизанти саби. Илдачил арилкъули Катя бикIуси гIурра рурсира лер. Илала неш жявли ребкIибсири. Рурси школала педагогуначи хъаррикибсири. Ил кIилизанти Ревеккала ва Ольгалагъалмагъ сарри. ГIур Катяра сунела учительла хъалибарглизир хIеррирес къабулрикиб. Гъанна илди хIябалра рузби саби. Дебали гIяхИси рурси сари Катя. Илис сунела рузби бигахъу. БегIтанира ил чула рурсилизи халрирули саби. Дебали гъарбизурли саби илис, сенкIун дебали гIяхИси хъалибарглизир хIеррирули сари. Дербентлизирадси хабарла далайчи Жасминна



дудешлира рурсилис сунела замана кумекбарибсири, ил хореографияла центрлизир рузахъес хIянчиличи руцили. Катя Пятигорсклизибси фармацевтический институтла авъибил курслизир ручIули сари. Ил фармацевт-провизорли рузар Дербентлизир. Ил гъанна сунени сунела гIямал бирес бурсириубли сари, амма сунела бегIтира кIелра рузира дебали дигахъу, замана бикибад илдачил рарх рирар.

– *Балулраяв, – рикIар Ольга Аврумовна, – Иосиф кайзурси советский адам сай. Дербентличи бурсивиубси ва ил дигахъуси адам сай. Дербент илдас лебтасалра дурхъаси мерли бетаурли саби. Илдада бахъалгъунти тухтумти Израильлизи гечбиуб ва илаб хIербирули саби. Уршира илав сайкъира, нешра дудешра ила гечбиэсалра пикрибикIули ахIен. Илдас Дербент чули гъигъирусси гъавагъунали бетаурли саби.*

– Нушала шагъарлизир гъанна халати дардешуни кадиркули сари. Нушаб гIяхИбилзули саби шагъарла администрацияла бекI Хизри Абакаровла пикри. Илини бурни хIясибли, гъамсигъуна заманала

бухIнаб Дербент туристунала Макаличи шурбухъес гIягIниси саби. Шагъарлизир илгъунали бетаахъес хIяжатти гъар секIал лер: жявхIелла тарихла памятникунира шагъар дигути халкъра.

ГIямруличи дебали уркIичерси адам сари Ольга Аврумовна. Се бирулириаллира, илизи сунела уркIила бутIа къабирхъули рирар.

– ЦархIилван хIеррирес нуни балра хIебалас, дила рурсбанира педагогла санигIят даимбарили дигулла. ЦархIилти санигIятуни касесра бирар, ил чузибад дигахъуси саби.

– ХIуни севан бамсриихъули рируда? – хъарбаира илизи нуни.

– Бархъли бурасли, ну бамсриихъес бурсириубси ахIенра. Дигахъис лебилра хъалибарг хъули цалабикили. Иосифли гитара кайсу ва далай бехIбирхъу. Илини назмуртира лукIули сай. Гъамли илала назмуртала жуз дурабухъес гIягIниси саби. Нушани дурхИнала рухIла дунъя гъатIира давлачбси бетаахъес нушазибад лябкъуси бирулла. Рурсбас жузи дучIес дигахъу, чедиулрив сецад лерал илди нушала хъулир!?

ХIербирули саби гъатIи бахъИила Дербентлизиб илгъуна пергер хъалибарг! Нушанира илдас талихI ва разидеш дулгулла.

ГIяйшат ТАЖУДИНОВА



## АХІЕРТИ ДУРХІНИ!



			1		В
			2		В
			3		В
	4				В
5					В
6					В
7					В
	8				В
		9			В
			10		В
				11	В

В хІярпличил тамандирути дугьби даргая ва кьунбази делкІеная!

- 1) БецІла тІама.
- 2) УркІила разиси, гІяхІси хІял.
- 3) Рузила мурул.
- 4) Изала.
- 5) ЦІябли-бухьутІа рангла мегь.
- 6) Арцан.
- 7) Марга жита.
- 8) ТІалхІяна.
- 9) Ит шайчив.
- 10) БиштІаси шара.
- 11) Гьалав яра жявлил.

кьурмьяв, ягІляв, итав, кІав, ув.  
*Жавабти:* ав, гІав, гІув, бутав, варшав, гІугІмьяв,  
 ГІяйша Кьурбановала «ГІяжаибси азбука» жузлизибад

## Бузерила гІягІниахъала



Газа – мотыга



Мирш – серп



Дуруб – шило



ГІябул – гвоздь



ЛухІцІи – ножницы



Руган – сверло



КьямцІа – щипцы



Рас – пила



Кьякь – молоток



Кура –деревянная лопата



Кьяга – вилы



КІатІа – лопата



Кьялкья – коса



Билла, бирхла – грабли



# *Журнал в журнале*







# МАФФИНЫ

Готовим вкусную домашнюю выпечку – нежные маффины на кефире с ароматом ванили. Маффины по этому рецепту – просто сказка! Тесто мягкое, ароматное, замешивается быстро и всегда удачно пропекается, мякиш не крошится даже на следующий день. По желанию в тесто, перед тем как разложить его в формочки, можно добавить ягоды или кусочки фруктов (яблока, персика), шоколадную или ореховую крошку, какао-порошок. Пробуйте и экспериментируйте!



## Ингредиенты:

- сахарная пудра – 200 г
- яйцо – 2 шт
- кефир – 120 мл
- разрыхлитель – 1,5 ч/л
- сливочное масло – 100 г
- ванилин – 2 щепотки
- мука пшеничная – 220 г

## Приготовление:

Сахарную пудру или мелкий сахар пересыпаем в миску. Размягченное сливочное масло добавляем к сахарной пудре и с помощью миксера взбиваем до получения однородной массы. В масляно-сахарную массу разбиваем два яйца, ванилин, опять взбиваем. Затем в смесь вливаем кефир комнатной температуры, взбиваем еще несколько секунд. В муку всыпаем разрыхлитель и перемешиваем. Муку с разрыхлителем просеиваем в миску с яично-масляной смесью. Замешиваем однородное жидкое тесто и разливаем в 12 формочек. Выпекаем в предварительно разогретой до 180 градусов духовке 25 минут.



## САЛАТ «МИНСКИЙ»

### Ингредиенты:

- 60 г шампиньонов
- 140 г картофеля
- 25 г репчатого лука
- 40 г квашеной капусты
- 1 ст. ложка растительного масла
- сахар, соль, уксус по вкусу.

### Приготовление:

Шампиньоны очистите от загрязнений, промойте, нарежьте ломтиками, добавьте нарезанный кубиками отварной картофель и нашинкованную квашеную капусту. Смесь посолите, заправьте уксусом, растительным маслом, посыпьте сахаром и тщательно перемешайте.



## Салат мясной (немецкая кухня)



### Ингредиенты:

- 100 г вареного картофеля
- 100 г постной вареной говядины
- 1–2 свежих огурца
- 2–3 помидора
- 1 ст. ложка укропа, петрушки
- порция салатного соуса.

### Для салатного соуса:

- 1 ст. ложка кефира
- 3 ст. ложки нежирного мясного бульона
- мелко нарубленный репчатый лук
- лимонный сок или уксус, чеснок, перец, соль.

Картофель, мясо и овощи нарежьте, добавьте мелко нарезанную зелень и все смешайте.

## Салат с сыром по-французски

### Ингредиенты:

- 200 г отварного риса
- ½ луковицы средней величины
- соленый огурец (можно свежий)
- 100 мл сметаны
- 1 ст. ложка лимонного сока
- 1 стакан с горкой тертого сыра
- соль, перец по вкусу.

### Приготовление:

Смешайте тертый сыр со сметаной, добавьте мелко нарезанный лук, соль, перец, положите рис и все смешайте. Украсьте салат мелкими дольками огурца и полейте лимонным соком.







## ФАРШИРОВАННЫЕ ШАМПИНЬОНЫ, запеченные в духовке

Фаршированные шампиньоны – очень вкусное и сытное блюдо. Рецепт достаточно прост. Фаршированные грибы можно подавать как закуску или как отдельное блюдо.

### Ингредиенты:

- шампиньоны (крупные) – 8–10 шт
- яйца отварные – 2 шт
- сыр твердый – 200 г
- лук репчатый – 1 шт
- чеснок – 2 зубчика
- майонез – 2 ст. л.
- зелень петрушки – 0,5 пучка
- зелень укропа – 0,5 пучка
- масло растительное – 2 ст. л.
- перец черный молотый и соль по вкусу



### Приготовление:

Подготовить продукты для фаршированных шампиньонов. У шампиньонов удалить ножки. Шляпки отварить в подсоленной кипящей воде в течение 5 минут.

Ножки грибов и лук мелко нарезать. На сковороде с растительным маслом обжарить лук, затем добавить грибы, посолить, поперчить.

Яйца натереть на средней терке, чеснок измельчить. Соединить обжаренные грибы с яйцами, посолить, поперчить, добавить чеснок и тщательно перемешать.

Сыр натереть на мелкой терке, зелень измельчить. Подготовленной начинкой нафаршировать шляпки грибов, каждую сверху полить майонезом и посыпать тертым сыром. Форму для запекания смазать растительным маслом и выложить туда грибы.

Запекать фаршированные шампиньоны в духовке 10-15 минут при температуре 200 градусов Цельсия или в микроволновой печи 5-7 минут.



# ХОЗЯЙКЕ НА ЗАМЕТКУ

- Ржавчина с плиты исчезнет, если протереть её поверхность горячим растительным маслом.
- Тёрку, на которой вы собираетесь натереть сыр, смажьте растительным маслом. От этого сыр не будет склеиваться, а тёрку легче вымыть.
- Если на кухне неприятно пахнет, налейте в сковороду немного столового уксуса и подержите сковороду на слабом огне, пока уксус не испарится.
- Жирные пятна на кухонной плите можно вычистить, если посыпать горячую плиту солью и протереть бумагой. Для удаления засохших пятен используют питьевую соду, затем протирают водой с нашатырным спиртом (несколько капель на стакан).
- Чтобы натереть дольку чеснока и не поцарапать руки, советуем наложить на терку листок целлофана и тереть чеснок через него. Этот способ имеет еще одно достоинство: измельченный чеснок весь остается на пленке, не забивая терку.
- Терка снова станет острой, если протереть ее наждачной бумагой.
- Вы сможете легко и просто заменить майонез сметаной, добавив в нее растертый желток сваренного вкрутую яйца и чайную ложку горчицы.
- Если положить ломтик моркови или лимона под крышку баночки с горчицей или на срез колбасы, оба продукта надолго сохранят свою свежесть.
- Сильно загрязненные места в духовке намочите нашатырным спиртом и оставьте на ночь – утром грязь ототрется с помощью обычной мочалки.
- Если ножи у мясорубки затупились: засушите сухари и прокрутите их через мясорубку. В результате получите панировочные сухари для котлет, и ножи заточатся.
- Если в термосе появился «посторонний» запах – не беда: положите в него пару ложек риса, залейте водой и несколько раз хорошенько встряхните. Затем прополощите горячей водой.



## ЗНАЕТЕ ЛИ ВЫ?

Все в организме бобра устроено так, чтобы он мог эффективно работать. Его челюсти действуют как пила, он упирается верхними резцами, а нижними двигает из стороны в сторону. Передняя сторона зубов покрыта твердой эмалью, а внутренняя мягче и стачивается быстрее, так кромка зуба остается острой, самозатачивается.

У ноздрей и ушей есть закрывающиеся под водой клапаны, прозрачные мигательные перепонки закрывают глаза, как очки для плавания, а губы смыкаются очень плотно, оставляя резцы снаружи, что позволяет жевать в воде. Передние ноги приспособлены для копания и хватания, задние с перепонками – для плавания. Объем легких позволяет им оставаться под водой 15 минут и проплыть за это время до 750 метров!

Всю свою жизнь бобры строят плотины и домики-хатки из поваленных деревьев, веток, камней и глины. Летом они выходят из дома в сумерках и трудятся до 4–6 часов утра. Осенью, заготавливая корм на зиму, они увеличивают трудовую ночь до 10–12 часов.

Ну вот, наконец, зима. При  $-20^{\circ}\text{C}$  бобры остаются в жилищах, но и там они иногда увеличивают цикл активности до 28 часов. Ведь хатка бобра – сложное сооружение, шалаш из веток диаметром до 10 м, изнутри обмазанный глиной с камнями, с несколькими лазами через воду и сухой глиняной платформой в центре. Зимой бобры утаптывают пол и стены, строят навесы над входами, чтобы лаз из воды не замерз. Во время паводка они соскребают глину с потолка, поднимая платформу над водой, а когда уровень воды падает, создают свои знаменитые запруды, чтобы входы не засохли и не стали доступны хищникам. Рекорд в строительстве таких плотин принадлежит канадским бобрам – они построили в Национальном парке Вуд-Баффало плотину длиной 850 метров!

Однако есть две вещи, где природа перестаралась. Во-первых, очень качественная шерсть бобра, состоящая из 12000–23000 волосинок на  $\text{см}^2$ , что сделало шапки из бобровой шерсти предметом роскоши. А во-вторых, сильный плоский хвост бобра, служащий ему килем при плавании, покрыт чешуей, как у рыб. Это позволило хитрым католическим монахам употреблять его в пищу в пост, называя бобра рыбой.





Пакизат ФАТУЛЛАЕВА



### ЗАЙКА

Папа подарил мне зайку,  
До чего же зайка мил!  
Я пушистику на завтрак  
Миску каши предложил.  
Равнодушен зайка к каше—  
Мордочку воротит зверь.  
Я спросил у папы: —Как же  
Мне кормить его теперь?  
Каша вкусная такая —  
Сам бы съел еще чуток.  
Как понять его, не знаю,  
С голоду помрет зверек!

И, меня погладив, папа  
Рассмеялся от души:  
— Каши не едят зайчата!  
Ты морковку предложи!

### ДЯТЕЛ

Что за непонятный звук  
Поутру раздался вдруг?  
Что за птах на ветку влез,  
Чтоб перебудить весь лес?  
Тук-тук! Тук-тук! —  
Тишине лесной каюк!  
Это птичка, птенчик просто,  
Он упрям и деловит,  
Клювом тонким, клювом острым  
Дырку в дереве долбит.

Птичку именуют дятлом.  
Наделен он дивным даром:  
Поедает наш герой  
Всех живущих под корой.  
Всех личинок, червячков,  
Всех вредителей готов  
Выклевать...  
Пускай из сада  
Чаще слышится «тук-тук» —  
То деревья нам спасает  
Дятел, пестрокрылый друг!  
К дятлу относись всерьёз —  
Много пользы он принес!



### ПОМОЩНИК

Бабушка моя родная,  
Я твой маленький внучок!  
Ты звала меня, я знаю —  
Я откликнуться не мог.

С папой мы вдвоем сажали  
Яблоньку в саду у нас.  
Вот — окончили, полили...  
Чем помочь тебе сейчас?



## КРАПИВА

– Не ходи! Ведь укусит!  
Там крапива, сынок! –  
Но мальчишка не трусит,  
Дерзок и голоног:  
– Не укусит, однако,  
Это же не собака!

А потом мчится к маме  
Несмышленный бандит,  
Весь покрыт волдырями,  
И с обидой вопит:  
– Мама, эти кусаки  
Даже злее собаки!



## СЕСТРЕНКА

Есть у меня сестренка,  
Её зовут Саяд,  
Красивее ребёнка  
Вы сыщете навряд.

Пусть нет еще и года –  
Спокоен за сестру:  
Уверенно и гордо  
Ступает по ковру!

Сестрёнку мы купаем  
В тазу, как всех детей.  
Головку поливаем,  
Чтоб выросла скорей!



## МЕДВЕДИЦА И МЕДВЕЖОНОК

Зима в горах упрямо  
Все льдом покрыть спешит.  
А медвежонок с мамой  
В берлоге теплой спит.  
Пускай мороз неслабый,  
Непроходимый снег –  
Прикрывши пузо лапой,  
Сопят они во сне.  
Вот выспятся – и вместе  
Восстанут ото сна,  
Чтоб принести нам вести:  
– Весна! Пришла весна!

Перевел с лезгинского  
ВИКТОР КУЛЛЭ



**П**одставка под телефон будет хорошим подарком для мамы. Такая поделка делается просто и быстро на основе рулончика-втулки от туалетной бумаги. Мы просто делаем в боковой части втулки надрез (туда будет вставляться телефон), а саму втулку декорируем – полосками узорного скотча или полосками цветной бумаги. Чтобы рулончик стоял и не перекатывался, ему нужны ножки. В роли ножек могут выступать канцелярские кнопки-штырьки (как на фото справа) или толстая медная проволока, продетая сквозь дырочки и загнутая с четырех сторон наподобие витиеватых ножек.



## ПОЛЕЗНЫЕ ПОДЕЛКИ для МАМЫ



**И**з высокого рулончика вы можете сделать подставку-кота – тоже для телефона. Для этого от втулки нужно отрезать лишнее. Рисуем карандашом спереди морду кота, сзади оставляем вертикальную часть втулки нетронутой (это типа хвост). Все покрываем желтой гуашью. И обязательно сбрызгиваем лаком для волос (вдали от огня!!!) – от лака желтый цвет заблестит, и поделка для мамы станет яркой и глянцевой.



# Алмакла къярд

Салатавия – Казбековла районнизиб саби. Ил мерла су бетаурли биэс гягънили саби Сала-су хIеркIла мякълабси шила улизибад ва Сала-тау бикIуси дубуртала сиртла улизибад.

Пергъити дусмазиб Дагъистайзи башути туристунала пикри битIикIули саби Салатавиялизирти тIабигIятла жагати мер-мусали. ХIязлис ахIен къалли илис «Дагъиста Швейцария» бикIути. Илбагъандан гъар дус илаб туристуну бахъал башуси манзилличи чебетаибси хIядурдеш бирули саби: дуги буркIахъес дарибти гостиницаби, декIарти хъулри, инфраструктурала лерилра объектуни ремонтдарили далкъарахъули сари.

Лебтанилра балуси саби хабарла Сулахъла къярд. Илала мурхъдеш 2 километрличи абиркули саби или бурули саби. Туристунура имцIали ил чебаэс бирар башути. Амма илаб мерлабиубли саби Алмакла къярдра. ТIабигIятла балтахъуси памятниклизи халбируси саби ил дебали жагаси мер. Канъонна бяхIри заклизидяхI 800–1000 метрличи ахъдиубли сари. Къярдла бухъяндеш 12 километрличи абиркули саби. Къярдкад кабухъунси Акташ хIеркIла шин дебали дяргIибти ва умути сари. ХIеркI цIуба лусентала ургабад кабухъунси саби. Илбагъанданра хIеркIла шин дебали цIубабиван кадизурли чедиули сари. «Ак-таш» ибси турк мезличибад шурбаталли «ЦIуба къаркъа» ибси саби. Къярдла чедирти дубуртала бяхIяни вацIали шинишдарили сари.

ТIабигIятла пергер памятник саби Горенжо бикIуси шарара. Илис Бухълухъунала шарара бикIули бирар, сенкIун илизир дахъал бухълухъуни лер. Шарализив вазибси адамла чархлизи илди дахъал

алтIули дирар. Бухълухъуни дармандирути сари или шарализи базес башутира бирар. Шарализир ДГУ-ла студентунани дахъдаахъес или даткаибти белый амур бикIути бялихъунира илар дахъдаиб. Биологияла факультетла студентунани шарализи чумал тритонра даткаибтири. Гъанна илдира дахъдаили сари. Тритонти къалли ХIунтIена жузлизи делкIунти, камли къаршидиркути ва агардирнила урехи акIубти жанани сари.

Акташ хIеркIла къярдлизир 50 метрла ахъти бехI бугати, чедаэс лергIер жагати дубуртира лер. Туристунас илдачи хIербикIесра дигахъу. Миллионти дусмала бухъяндешлизир детаурти гIяламатла секIал сари илди! Алмакла къярдла у бетаънила хабар ишгъуна саби: Алмак хIеркIла дублаб дебаси къала белшунси адам уили сай. I396 ибил дуслизив Дагъистан хараббарес чевхъунси ВалкIа Тимурли ил къалара гъятIаили уили сай.

Гъанна ил мерличиб «Алмакский» бикIуси совхоз леб. ШалгIеббухъунси даршдусла 70-ибти дусмазиб ил совхоз лебилра Дагъистайзиб машгъурси бирусири – чула мукукуразирад дурхъати дармунти дирути барткелти адилкъниличил. Гъанна илар ЗАО «Фермент» бикIуси предприятияла 1500 барткел лер. Жагъил барткелтала мукукури -пантаци формацевтикализир пайдаладирули сари.

Салатавияла вацIурбазиб паргъатдешлизиб ва жагати вацIурбазибси умуси гъаваличиб гIяхIил бамсриахъес вирар.

Гульнара АСАДУЛАЕВА







# «Рахазва МяхІячкъала!»

**«Рахазва МяхІячкъала!» Саламла илди гъайличибад бехІбихъибсири гъанналис гъал дус гъалаб Дагътелерадиолизиб Наира Рамазановала творчествола бузери. Ил гъаннара «Дагъистан» ГТРК-ла лезгібала мезла телерадиовещаниела бекІ редакторли рузес даимриубли сари. РиштІали лералли хъулриклусири ил радиотелевидениела хІянчизарли ретаэс. Школализир ручІули лералли илини радиола диктортала гІердиусири ва илдалагъуна тІамаличил гъайрикІес ралрилзусири. Илини газета сабирхъусири ва балбикахъибси тІамаличил ил бучІес рехІрирхъусири.**

Нушани сунечила бурси Наира Рамазанова культурала шайчирти гІядатуначил жывхІейчибад машгъурсили сабси Ахтила шилизир акІубси сари. ХІямидовхъала хъалибарглизибти лебилра бузерила бархІилис гІергъи Дагъиста радиола лезгібала мезла передачабачи лехІихъес цалабиркутири. Илдас дигахъи хаслира концертуначи лехІихъес, театрлизир нешла мезли кадихъибти спектакльтачи хІербикІес.

– Сунела бунагъ-тІатІа урдуц, дила дудешли гъар бархІи савли верхІел сагІятличиб радио бузесиусири. Дигахъи илис радиолизибадси «Рахазва МяхІячкъала!» ибси саламличи лехІихъес. Нуша передача таманбиайчи лехІихъутири», – гъанбиркахъули сари Наира Рамазановани.

Школа таманбарибхІели, Наира ручІес ДГУ-ла филфаклизи карерхур. Диплом касили гІергъи чумал дус школализиб хІянчи бариб, амма риштІахІейчибадси сунела хъулличила ца минутлисалра хъумуртуси ахІенри. Ахирра илала хъул бетерхур!

– Ну рузахъес жирарира ва 2001-ибил дусличирад Дагъиста радиола лезги мезла передачабала дикторли калурра. ГІур ну лезгібала мезли передачаби дируси корреспондентли рузахъес шурратурра. 2007-ибил дусличирад биалли старший редакторла къуллукъличи каратурра. Ну къисматлис баркалла рикІулла, дила хъул бетерхахъес имкан гибни багъандан! Нушала коллектив дебали уржибси саби. Дагъиста радиолизиб сецад адамти

бузули биаллира, илди цали ца балули саби ва лебилра уржибти саби. Илдала ургар риэс набра дигахъис. Нушала коллективлизир кадизурти аги-къяйдалис, марлирагу, сихІрулагъунти сари аллира къяна бетхІерар. Сегъунти пергер адамти бузулил илаб! Лебтанилра ну чула коллективлизи разидешличил къабулрарира, – пахруличил бурули сари илини.

Наирани бурули сари лезгібала мезли передачаби дируси редакциялизиб дебали машгъурти адамти калниличила. Илдала лугІилизибад сабри: Жамидин, Мариям Фаталиева, Айдунбек Камилов, Ханум Шихмирзаева, Сефибег ХІяжибеков. Илдала тІамри Наирас риштІахІейчирад гІяхІил тяништи сари.

– Гъанна нушала ургав агарси лезгібала редакцияла бекІ редактор ГІябдул Насруллаевли ну студиялизи аррукира ва някълизи микрофон гиб. ГІур белчІахъес текст гъалабихъиб. Илис эфирлизиб дила тІама секъяйда зайбикІулил багъес дигули уилри. Литературала мезра нуни ункъли лалулри, сенкІун ну Ахтила шилизирадси саррину, – бурули сари Наира Рамазановани.

Гъанна радиола имцІатигъунти журналистуни ГТРК «Дагъистанна» миллатунала редакциябала телеведущийтигира бетаурли саби. Наирани гъанна лезгібала мезли «Шалбуздагъ» бикІуси тележурналра бузахъули сари. Ил илкъяйдали базла рухІнар кІина «Дагъиста хабурти» бикІуси информацияла блокличилра эфирлизи дурарулхъули сари.



Наида Рамазанова бахъла ургаб хІурмат сархибти ва лергІер гІяхІдилзути бикІути программабала авторра илди дузахъанра сари. Илис хаслира дигули рирар миллатунала ургарти бархбасуни уржахънилис багъишладарибти программаби хІядурдирес, халкъла гІядатуначила бурути передачаби далкъарахънилизира илини уркІи кабирхъули рирар.

– Радиола хІянчизарла бузерира телевидениела хІянчизарлайчи дахъал секІайзиб мешуси саби, хІятта илала сунелара хасдешуни лерти диаллира. Телевидениелизиб хІела тІама хІела дяхІличи хІеръибхІелира багъес виарар, радиолизиб ил имкан агара. Илбагъандан телевидениелизибси режиссерла хІянчира радиолизиб гъайикІусиличи бузахъес хъарбиркули саби. Амма радиолизиб узусилис гъамаддешунира дирар. Илаб камера хІебирар, хІу мурталра илала хІерудилиув ва гъяжлиув сайри. Газетализиб ва журналлизиб ил шайчибси гъяж текстличи шурбулбхъули саби. Радиолизиб бекІлибубси тІама саби. Телевидениелизир хІела передача бутІакъянчибачил бархбасуни кадилзахъес устадешра хІяжатти сари. Илдазivad гъарилла бузери творчестволичил бархбасунси саби. Гъарилла илар сунела устадеш чедаахъес имканти лер.

Сунела бузериличи творчестволичиван гъамируси радиола хІянчизарли сунечи хъардиркути халати жавабкардешличила хъумуртули хІейрар. Радиола хІянчизарлис белгиси къадарлизиб актерлира виэс чевкъули бирар, ил аргъесира саби. Газетализибси ва журналлизибси белкІла къадри ил белкІ дурусли, аргъесли ва белчІунсчиличи асарбаресли каргънилизиб саби. Илдала бузери писательла хІянчиличира гъамсили бетарули саби. СМИ-бала хІянчизарти, гъайгъай, социальный хІянчизартира саби. Нуша адамтачил гъунидиула, илдани дурутачи лехІихъула, илдани ахъдурцути масъули ирзнилизир бутІакъяндеш дирула, – бурули сари Наира Рамазановани.

Сунела бузериличила гъайрикІухІели, илизирти сунела санигІятличи лерти халати диги дагъес вирули сай. Илини бурни хІясибли, бузерила цалра бархІи цархІил бархІиличи мешуси ахІен. ЦархІилти адамтачил сари ил къарширркуси, цархІилти суалтала чебкад саби илди гъайбикІути.

– Гъар бархІи савли хІянчиличи ляркъула ва бархІи селизир рузули буркІусил белгибирула. Гъалабси

бархІил хІядурдеш барес чебуркъибти анцІбукъунира дирар. Гъайгъай, цахІнабли улкализир ва нушала республикализир кадиркути анцІбукъуначилара урусла радиолизирад ва телевидениялизирад тяниширула. Балликъянабачил къаршидиркес, передачаби монтироватъдирес, эфирлизи дураухъес хІядурдешбирули рирус. Ну гъаман календарълизира хІеррикІус ва сегъунти машгурти анцІбукъуначил дархдасунти бурхІни лерал хІисаблизи кайсули рирус. Дагъиста радиолизирад гъар бархІи лезибала мезли дирути передачабала бухъяндеш 50 минутла саби. Илдазирад 20 минут сагати хабуртас декІардирути сари. Темаби чердиркІули рирус ва илди хІясибли архІяби дурадуркІули, адамтачил къарширркули рирус.

Бузерилис халаси замана декІарбирес хІяжатбиркули биаллира, Наира хъа гІяхІси хозяйкали калесра бажардирркули сари. Илала хъалибаргра уржибси саби. Мурул Тириверди МВД-ла полковник сай. Халасигъуна урши ХІяжи-ГІямар экономист сай. ВиштІалгъуна Мурадра МВД-ла хІянчизар сай. Рурси Селимани ДГУ-ла дураулкалан мезанала факультет таманбариб. Илала дурабад Наира Рамазановала дурхІначибад акІубтира хІябал леб. ДурхІнала дурхІна бирар илис хаслира халаси разидеш бихуси!

Журналистла санигІятлизиб бегІлара мягІничебсилизи халбирули сари Наирани декІар-декІарти миллатунала вакилтили сабти тамашала адамтачил къарширркуес имкан лебни. Илди багъудичебти, чула санигІят ункъли балути ва сархибдешуни диахъес бажардибикибти аданти саби. Илкъяйдали мягІничебсилизи халбирули сари илини умути литературала мезли гъайрикІес рирнира.

– Ну рузес рехІрихъибти дусмазир нуни ихтилат бируси адамлизи иличил гъунираибхІели дедес суалти гъаланачирал хІядурдирули рираси. Дусми ардашуцад илди суалти ихтилатла замана пикридирес бурсирубра. Илини ихтилат каргъес наб гъамаддешра алкІахъули саби, ихтилатра ункъли ва вирхаэсли бетурхули бирар.

Радиола ва телевидениела журналистли узуси адамлис сегъуналра анцІбукълизиб журналистдешла этикаличила хъумуртес асухІебирар. Илис сари нушала ралликъяна гъар передачахІи уркІи кабирхъес къийгъилизирси. Радиолизибад Наирачи лехІихъутанира ил чебиули саби.

ВИОЛЕТТА РАТЕНКОВА





# ИНЖИТВАРИЛИ ПЕРГЪИРА ГЯМРУ ЛЕРТИВ?



Иш белкI кабахъес балкъаахъес рузуси замана ну интернетла соцсетаназиб адамти урехилизи буршуту анцIбукъуначила чула пикри бурахъес урехи хIебирахънила органтазиб бузути специалистуначи дугъаризурра. Амма наб илданира баянти гес къасхIебариб. Илбагъандан наб къиянти аги-къяйдализи бикибти адамти нуни баргес чебуркъиб. Ил суалкIун дебали челукусуили бетаурли саби.

**Д**ила ва интернетличил пайдалабирути бахъал цархIилти адамтала илдигъунти рази-хIебирахъути анцIбукъуни детаур, цацабехI адамти къалли балагъ-къадарлизи бикахъес яра инжитбарес чуйнал балбизурти анцIбукъуни диуб.

ХIера, се бикIулил ил тяхIярли балагъ-къадарлизи бикахъибти адамти. Киберпространстволизиб викIусив, эфирлизиб викIусил къиян-жапализи бикахъибти адамти ва

илдала гъамти лергIер гIягIмагарти аги-къяйдализиб уббухъес бирули буили саби. ЦацабехIгас хIилхIи мицIирли калес бикили саби, цархIилти дармандарахъес психиатр-тачи дугъабизурли буили саби, халаси къиян кабихъили илдас гIядатла адамтала урга чарбухъес имканбакIили саби. Илдани чула къурбанни ветаахъес балбизурси адам верцибси анцIбукъулизиб яра ил чула хIурудилиувад ухъунхIели, илдани чула уряхIти авара цархIил

адамличил далдурцули саби, ва чус къурбан вареси адам гъамадли варгес бирули саби.

«Мурталра илкъяйда бирусири-гу: адамти лебилра цагъунти саби биштIахIейчибадал! Гъанбиркуру, гъархIедизурти къисматунала бегIти зизихъалани секъяйда унрубачила вайти пикруми дурутирил? Илди балтIутирил, илди саби къалли унабурхIла гъаларти къасурбачи кабиили «гIурлис хIядурбарибти» къурбунтиван камбирути ахIенри. Илдира вайтIа биркъути футболистуначи мешути бирар. Соцсетанази кабиили саби ва интернетлизиб бикахъибти адамтала дагъри агъуладирули саби, психиатрла шайзибадси кумекличи хIяжатбиркахъули саби. Илдира тяп итди скамейкаличи кабиили чеббугъути унрубачила бугътанти гIинтIдирутигъунти вайнукъаби саби. Илдани чула асарлиу бикибти адамти къурбунтили бетарахъули саби. Дила уркIили бекIлил къабулбирули хIебирар, илди дила дагърили булан лякIбирули саби. Илдачи-вад гъарахъли уэс гIягIнибиркур, илдала къурбанни ветаэс хIейгули виадли!

«КъакъаракIили, рикес мер баргес хIериухIели, нуни гIямрулизирад аррукъес, ребкIес къасбарира. Амма ил барес гъархIебизур – тухтурта рерцахъира, нуни держибти агъуличи къаршити дарман дарес бажардибикIб. Итди къиян-жапа чедаили гIергъира сеннира хIерри-эс рирниличирирхаурра!» – сунени чекасибти гIязабтачила бурули сари вайнукъябани кадатурти гIимкъилизи рикибси цали. Илини сунес бетаурсиличила паргъатли хабар бурули сари, амма хIулбазирад гердикIути нургъби тIашаэс рирули ахIен.



Вайси хІяйчи рикахъибси ну ралликъяна программистли рерцахъира. Ил интернетлизир набчила тІинтІдирути уркъбяхъуни урасес бажардирикиб, набвайбарес дигутала аваралис ахир кабихъиб. Набра илхІели тамай рарсриэс хІяжатбикиб.

Соцсетаназиб гъанна набчила хъумартурли бургар или гъанбиркули саби, илкъяйда сабли уббухъира дигулра. Ил вайнукъябала, дагъри дамкъуртала къукъяра тамай пужбарили саби ва къяпбарили саби. Набчбси лебилра гІяйиб биалли ишгъуна сабри: нуни соцсетаназиб белкІунсири хІябал дус гъаларшерирякъунсира или, мурул къел-хІерзи агарли ветяхъибхІели, хъули чаррухъунра ва бегІтани наб пурбанбариб гІядатла адамтани дихути палтар челгъахъес или.

ЦархІил илгъуна балагълизи рикибси дила тянишли сунела у хІебелкІахъес тиладибариб. Амма сунес бетаурсиличила хабар буриб. Илини сари тухтур риъниличила бурахъесра пурбанбариб.

«Ну тамай хІяйзирад рухъи, ребкІеси даражаличи ретхІерикара, цархІилтаничибра ункъли балули риаслира, секъяйдали «жагали» барес вирусил балули риаслира, набра гІурра чумал адамлисра гІелабадкабикилри ва чула къурбунтили детаахъес балбизурлири, нушала санигІят ил мурадлис пайдалабарили. Илдани сабаблизи буцили буилри нуша дузуси отделениелизи караркъибси зягІипси хъунул адам рерцахъес хІедиъни. РебкІибсила гъамтира, тухумра, цашилантира нушачи къаршили пунтбуилри. Амма зягІипти больницабазиб берцахъес хІебиубти анцІбукъуни камли хІедирар къалли. Амма наб гІелабадкабикиб, телефойзибад хъулира хІянчиличира зангъби-кІули, урехи чебиахъули. Интернетлизибадра набчи къаршили дурабулхъулри», – буриб цархІил хъунул адамли.

«Илдани школализиб бучІути дила дурхІнас, соцсеть пайдалабарили, урехи чебиахъулри, гъартяхІярли илдас вайдешуни дирулри. Мурулра паргъатли валтули ахІенри. Набчила цахти секІал дурулри. Тамай хІяйзирад рухъахъунра илдала уряхІти аварали. Дила муруйчира дурхІначира

кагъурти лукІулри», – рисули бурулри ил хъунул адамли.

Дагъистайзир бахъли ралуси далайчиличил, – ил нунира ункъли ралуси сари, – дебали вайси анцІбукъ кабикиб, илала хъулибси видео соцсетаназиб багъарбуибхІели. ХІера сунес бетаурси илини секъяйда баянбирулил: «ИшбархІи кадиркути анцІбукъуни эстрада ла зубартала гІямрулизир кадикибти анцІбукъуначила бурути хабурти ахІен. Артистунира спортсментира чула хІялани чула арилизири дихІес ва чус гІелабадкабиркутачил бургъес бурсибуубли саби. Нуни сунечила буруси биалли гІядатла рурси сари, ил жагъил адамличил къарширикес къабулрикили ахІенри яра варх узусиличи сенал гъимрукІили руили сари, илини барибси гІяхІхІебизурти къукъялизи цалабикили буили саби ва ил русилис ванзаличиб жагъаннаб кабизахъес балбизурли саби.

«Нушала замана бугътантасра имцІати жяргати думяхІлисра гІяжаибти дурала улкаланта ла мезаназирад касибти уми дихъили сари: буллинг, хейтинг, объюзинг, моббин, сталкинг ва цархІилти», – бурули сари чедир гъандушитигъунти тІягІямагарти аварализи рушибси цархІил рурсили. Ил жагъил рурсила някъби хІянба дицІили сари, кІелра някъла хъяб някъбачир илала дисли дарибти дяхъурбала хІянби чедиули сари. Илала тумазир гъатІира хІи кали хІедургар или гъанбикесли саби, сенкІун илини сунела хІила туми абхъибтири, амма хІилхІи ил рерцахъибсири ва сагърирули рахъхІи калунсири. «Ну цахдешлизирадра урезилизирадра рубкІули хІилхІи калунра. Наб гІур рикес мер кали ахІенри...

Интернетлизир набчи къаршили алавдуцибти уряхІти авара къа-къализира даилри.

Дила шилизиб хІербирути гъамтачи рякъунхІели, наб хъяшнала хІенкъ гІелабад дуцІбикІулри, ит бархІи шилизиб динна дурхъаси байрам бетурхулри. Наб гІелабад дуцІбухъунти вявбикІулри: «ХІушани балуляра ил чи сарил?! Ил сели риркъулил?» – къақализибси адамтала къукъялизи се-биалра ар-гъахъес ралризи, се барес рирудал. Илдала вяв-чІяр мурт тамандираралра багъес вирули ахІенри. Лерилра гІямрулис дила хІял-гІа-бигІятлизи барибси мурхъси дяхъи сабри ил, – бурули сари ил рурсили. – Больницализи следователь вакІиб, хъарраира. Илинира набзирад ну ребкІеси даражаличи рикахъира. Се бурес рирусири нуни илизи? Дила нешлизи къалли илала бал-ликъянаби судлизи дугъаризи бикІулри. Асилдешра кабизала-чердешра датахъес гІягІнити сари или иргъахъулри. Судлизи деклар чи ведлугусирив дила нешли?

## ЛЕХІКАХЪИЛИ МАДУУДАЯ!

Нуни ихтилатбарибти лебилра илдигъунти балагъ-къадарлизи бикибтани бурули саби: илдас селичибалра мягІничебсири саби къиян-жапализибси замана гъамтани, гъалмагъунани, барх бузутани гІеббуцни, саби балути илдазибад гІелумхІебилзни. «ХІу нуни ралусири, хІу илди бикІусигъуна ахІенри, нуша паргъатли хІедуэхе ва илдала аваралис къаршидеш далахъехІе», – бикІар или хъулбикІули буилри.

Ил барес хІяжтдешра акІуб!

**ВИОЛЕТТА РАТЕНКОВА**

Россияла законодательстволизиб интернетлизибад адамти инжитбирниличила буруси статья агара. Илдигъунти анцІбукъуни цахІнарти къяйдурти хІясибли гъунчидуршутти сарри. Дархъагарти баянти тІинтІдирнира адамла хІурмат буэс къасличил дирути аварара РФ-ла УК-ла Бугътан бикІуси 128,1 статья ва РФ-ла УК-ла ГІямрулис урехи акІахъни бикІуси 110 ибил статьяби хІясибли гъунчидуршутти сари. Адамлис урехи чебиахъули яра цархІил тяхІярли ил тІягІямагарти аги-къяйдализи викахъили сунезивад сай вебкІахъниличила сари гъай.





# ГІЯЙШАТ ИБРАГЪИМОВНАЛА ГІЯДАТЛИБИУБСИ ТАЛИХІ

Нушани ЧІярадала районна хъунул адамтала Советла бузериличила дурути гапла гъай аргъира, ва илбагъандан жамигІятла ил организациялис бекІдеш дируси ГІяйшат Ибрагъимовна Халидовала бузериличил нушала журнал бучІанти тІинтІливан тянишбарес къасбарира.

ГІяйшадешлис мурталра хъярхъти чІярадаланти нушаб разили гъунибаиб. Илди сабри рйонна багъудила, культурала, спортла, туризмала ва жагъилтала политикала Управлениела начальник Шамил МяхІяммадович Мустапаев ва районна хъунул адамтала Советла руководитель ГІяйшат Ибрагъимовна. Шамил МяхІяммадовичли нушала журналли чула районничила мурталра хъумхІертниличиразидеш багъахъур. ГІяйшат Ибрагъимовнани биалли, урузриубли, иб: «Се лукуси набчила? Дила хІушази буресилра агарагу – гъатІира лайикъти гъатІира бахъал бургаргу. Дубурла гъарахъси районнизир сарагу нуша хІердирути ва дузуги...»

ХІера нуша чІярадалантацил гъунидаес аркъулра. Гъала-гъала Цурибла урга даражала школализи дякъунра. ЛебГѐб жагали балкъаахъурси юртлизиб сабри ил школа. Школала директорли рузули сари Аминат Ярбилова. Школализир педагогунала коллективлисра школала бучІантасра пергер шуртІри гІердуцили сари.

«ЗурхІяб» бикІуси дурхІнала анхъ-школализи дякъунхІели, нуша гъатІира тамашадиубра: ил гъар секІайчил гІѐббуцилри. Разили сабри илабти дурхІнира илдас къуллукъбирути воспитательтира. Иларгъунти шуртІри, марлирагу, шагъарлизирти гІяйшад дурхІнала унхъразирра агара. Илдигъунти сихІрула хабарлизиртигъунти шуртІри акІахъес ва гІердугес бажардирикилри дурхІнала анхълис бекІдеш дируси Муслимат МуртазагІялиева.

Нуша гІур районна край руркъуси музейлизира дякъунра. ДухІнадухъунмад дубурла шилизир гъалар дахъал дирути, амма ишбархІи камли къаршибиркуси цІала хъулир – тавханализир дагъардиубра. Илаб хъа вегІли цІабилкълизиб цІа абикъурлири, дурхІнала нешли биалли сирилизивси дурхІя гардирулри ва илис гардла далай бучІулри. Илар гъалар дубурланна хъулир дирути гъар секІал лерри. Тамашагу, илди секъяйда даргібал ва жагали мерладарес бажардибикібал! Нушани илаб суратуначил жагали далкъаахъурти альбомтира

чедаира. Илдазиб районна гІяйшад шимачила баянти лерри. Хъа бяхІрачирти къасурбачир мерладарибти матяхІлира дубурла шила гъар-урла гІямруличила балахъулри. Районни гъаладяхІ кацІибти гунзрачила баянти чедаира. Олимпийский хІязанала чемпионтала, гІялимтала, машгъурти хъунул адамтала суратуни лерри музейлизир. Дергъла бутІакъянчибас багъишлабарибси стендра жагали балкъаахъурлири. Гъабкъябала суратуни черяхІкахъилри ва илдала сархибдешуначила бурути баянти делкІири. ЧІярадалантала гІямруличила ва бекІахъудиличила дигиличил буриб нушази ил музейла директор Насибат ХІяжиевани. Илини чула районнизибадти гІялимтачила, чемпионтачила, хабарла далайчибачила ва делхъчибачила дигиличил бурулри.

АрхІяла замана нуша 50 дусличир имЦали школализир рузуси ва дурхІнази кІарахъала мез руркъахъуси ва дурхІнас бяркъ бедлугнила шайчир халати устадеш лерси рахъІила учительница Калимат Мустапаевачил тянишдиубра. Илини сунела дурхІнасра гІяйшад бяркъ бедеб. Сунени бучІахъутасра илгъуна бяркъра бедлугли сари мурхъти багъудлумаири кайсахъули сари. Илала бузериличила ва диахъубти сархибдешуначила нушани цархІил белкІлизиб бурехІе.

ГъатІира тамашала гъунибаибти биуб нушала Асилдар ва ХІябсат ГІалхІятовхъала хъалибаргличил. Илди бархІербирули 50 дус биубли саби. Гъайгъай, нушани илди урхІи-урхІилабад мубаракбарира ва илдас гІурра дахъал талихІчерти гІямру далгунра. Илкъяйдали нуша гІяйшад дякъунра Жаватхан ва Рисалат МяхІяммадовхъалачира. Илди Гидибла шилизиб хІербирули саби. Илди кІелра пергер адам бархІербирули 65 дус биубли саби!

Лерилра илди чедаибхІели, набзир белгити пикруми акІуб. Нуни аргъира гъарил бархІили хъунул адамтала Советла бекІлис илдигъунти разидешуни дихули дигъни. Илис гъаннара рузахъес халаси икъала бирули саби 1997 ибил дусличирад ил ЧІярадала районна ЗАГС-ла



начальникли рузули калнилира. Илди дусмала духІнар ГЯйшатли районна хъунул адамтала гЯмру секьяйда детурхулил, илди сегъунти масъултаци бяхІгулил ва секьяйда илди ирзес бажардибиркулил чебиули сари. Районна хъунул адамтала хІекълизирти лерилра баянти ГЯйшатличи дашули сари ва илди ункъли далули сари.

**– Сен цацабехІ хъунул адамтас лебтасалра кумекбирес, дунъяла гЯхІла шайчибяхІ барсбиахъес дигусив?**

Илгъуна суал бедира нуни ГЯйшат Ибрагъимов-нази, дамсурли, амма уркІбазиб разидешличил хъули чардиубхІели ва чайла бержес кадибхІели. Дубурла къараназирад дарибти бизити чяй сарри нушала гьалар. ХІера, сегъуна жаваб гьибал илини:

– ГЯдатла жаваб саби нуни лугуси, амма бархъси саби – гьар секІал дурхІядешличирад дехІдирхъути сари. Адамла хІял-гІабигІятра илизирти къиликъунира дурхІядешлизир алкъути сари ва гьаладяхІ дашути сари. Дила дурхІядеш дебали талихІчерти сарри – уржибси хъалибарг сабри нушала, дила уркІи бегІтани мурталра иргъули бири, илдала нунира, илхІелира дила бегІти дебали пасихІти адамти сабри. Нушазиб, дурхІназиб, се гЯхІси лебли биаллира, – ил бегІтачибад баибси саби. Нуша хаслира нешлизирад дахъал гЯхІти секІайчи дегІдиубра. Нешлизирадрікъуси, ил имцІали дила мякълар рирухІели сарра. ХъалицІализирти хІянчи илини сарригу бекІдирути. Амма нунира илис рирусигъуна кумекбирира. Ил рурибси палтарла уста сарри, ибес ва ирсес ункъли бали. Ил шайчирти сунезирти устадеш набзирагІерасахъиб. ХъалицІализиб ибгибдешличичи чекаризурси рири ил. ГЯхІли бакІалри къалли, ил тамай рарсрири, гьар секІал дархъдатурли, илдас къуллукъбирули рири. Нушала дудешла бахъал гьалмагъуни ва гЯхІли бири. ДурхІнира бегІтазирада дахъал секІачи бурсидиубра. Илди нушаб мурталра гІибратунили бирутири.

**– Хъунул адамтала Советлис се бетаура? ЗАГС-лисра бекІдеш дирули, жамигІятла организациялис гъуни чебиахъесра ралризуррив? Илкъун халаси мах саби...**

– 2005-ибил дуслизиб наб районна хъунул адамтала Советла председателли рузахъес маслигІятбариб. Ил барнилис бекІлибиубси сабаблизичи халбирули буилри бахъалгъунти хъунул адамти челукъути суалти бекІдарахъес ва къиянти аги-къяйдализи бикибхІели чус лайикъси кумекбарахъес набчи дугъабилзули биъни. Къабулрикес чебуркъиб. Наб гЯхІти насихІятчибили ва кумекчибили уббухъун ил жавабласи къуллукъ бузахъухІели партияла райкомла секретарь ва наб гьалар хъунул адамтала Советла председателли рузули калунси ХІялимат ШяхІбановна ва РФ-ла Пачалихъла Думала депутат ХІяписат МяхІяммадовна ХІямзатова.

**– ИлхІели хІу сагаси къуллукъличир уркІи каби-хъили рузес рехІрихъири...**

– Се бирули риаслира, ну хІянчилизи уркІи кабирхъес бурсириубсира. Хъунул адамтала Советлизи нуни декІар-декІарти санигІятунала хІянчизарти алаббуцира ва нушани бузери бехІбихъира. ГьатГира бархъли бирар, даимбарира рикІасли, сенкъун Совет илис гьалабра бузули лебсири. БекІлибиубси пикри бяхІчаира имцІали челукъути суалти ирзниличил, илди имцІаливан дурхІнази багъуди кайсахъниличил, социальный шалилизиб адамти балтахъниличил, цунти ва гьести гЯмрула адамти къайгъили алабвурцниличил дархдасунтири.



Гьар замана хІердирути суалти цагъунти хІедири, илди сагати алкъулри ва бекІдирес хІяжатлири. Илди арзес багъандан нушазибад лябкъуси бирули дирехІери.

Нушала районна хъунул адамтала Советли Дагъиста хъунул адамтала Советли дурадуркъути лерилра далдуцуназир жигарла бутІакъяндеш дирули сари. Республика Советлис бекІдеш дирули сари Интизар Асдуллаевнани. Илини чІумати бархбасуни кадизахъурли сари багъудила, арадеш балтахънила ва миллатунала политикала министерствобачил.

**– Пандемия къалли ЧІярадала районнизира баиб бургар. Ит жапаси замана сабаибхІели, зягІипбикити адамтас хІушала шайзибад сегъуналра кумек гІеббахъес бетауру?**

– Пандемия бехІбихъибхІели нуни хъунул адамтала Советла активистуни бучира. Селисалра гьалаб, нушани белгибарира нушаб кумекбарес бирути. ГІур челукъути суалти акІубти хъалибаргуни белгидирес дехІдихъира. Гьарил хъалибаргличил декІарли хІянчи бирес хІяжатлири. Яшавлизибад нукъсанбикитгас арцличил ва продуктуначил, ва хаслира дармунтачил кумекбирес хІяжатлири. Яшавлашал нукъсантази халхІедирути хъалибаргунасра итхІели гьамадли ахІенри. ИшбархІира илдигъунти адамтира хъалибаргунира камли ахІен, сенкъун хІянчила мер агарти бахъал леб, илдира кумекличичи хІяжатли сабри. Районна культурала отделла начальник Рашидат АсхІябалиевичил барх нушани кумекличичи хІяжатти белгибарира. Илдас дирусигъуна кумек гІеббаахъира.

**– Сели сарри итхІели хІуша гьирачехси бузериличичи уркІичердирути? Ил шайчиб хІела талихІла рецепт лебли хІебизе?**

– Гьайгъай, леб, илини сарригу нуша итхІели уцахъути! Ил дебали гЯдатлибиубси рецепт сабри – адамтас разидеш бихни!

**– Сагал дуслизиб хІуни Дагъиста хъунул адамтас се булгулрив?**

– Селисалра гьалаб, арадеш, хъалибаргуназиб баршдеш ва талихІ. Наб дигула лебилра хъунул адамти талихІчебили биубли.

**БАХУ МУХІИДИНОВА**





# ИСЛАМ – ил гҗамрула тяхІяр саби

Ишдус Дагъистайзибси «Муслимат» бикІуси хьунул адамтала жамигҗатла организация акІуб-хҗейчирад 25 дус диркули сари. Илди лерилра дусмазиб ил организациялис бекІдеш дирули сари Хадижат Шихялиевани. Нушала журналла корреспондент Х. Шихялиевачил кьарширикиб ва «Муслиматла» 25 дусла бузериличила бурахьес ва бусягҗатла замана сегъунти масъултазиб бузулил бурахьес тиладибариб.

Истамбулла муфтийла заместитель булан тамашариубли руилри бусурман хьунул адамтала жамигҗатла ил организацияла бузериличил тянишриубхҗели. Ил суратуни, дискуни ва хабурти хҗясибли руилри тянишриубсира. Хадижат Шихялиевачил тянишриубхҗели, ил тамашариублицун ахҗенрину, ил сарехурси хьунул адамличи пахрули булан рицІилри.

Республикала шагьуртазир ва районтазир ил жамигҗатла организацияла 20 филиал дузули сари. Гьарил филиал активла собраниеличиб пикрибарибси цахІнабси программа хҗясибли бузули саби. Хаслира сабухьчерли дузути филиалтала лугІилизир гьандушес вирав Хасавюртла районна Сивухла шилизисси, Ботлихла районна Тлох, Муни шимазирти, Унцукулла районна Гимрала шилизисси, Казбековла районна центр Дилимлизисси, Дербентла районна Великентлизисси, Кьзилюртла, Гьунибла, Хунзахьла, Ахьушала, Новолакла районтала филиалти. «Муслимат» жамигҗатла активистуни республикала хьунул адамтани ункьли балули саби, илдани дурадуркІути далдуцуни гьар чинаралра ункьли чедиули сари ва гҗердурцули сари, илдани цалабахьхҗисси бузерила опыт гҗебасес Саратовлизибад, Нальчиклизибад,

Ставропольлизибад, Казанлизибад ва гҗягҗад цархІилти мер-мусаличибад бусурман хьунул адамтала жамигҗатунала вакилти башули саби.

«Муслимат» жамигҗат Дагъистан Республикала БекІли, республикала муфтийли, декІар-декІарти министерствобани ва ведомствобани сабухьчерли дузни багьандан Хурматла грамотабачил шабагьатладариб. Ил организациялис бекІдеш дируси Хадижат Хҗясановна ишбархҗи нушала редакцияла гҗягҗял сари.

- Хадижат-хҗяжи, хҗушала «Муслимат» бикІуси жамигҗатла организация акІахьнила бекІлибубси мурад сегьуна сабрив? Хьунул адамтала ургаб дурабуркІуси хҗянчилис хҗушани сен илгьуна халаси кьадри бедлугулраяв?

- 25 дус гьалаб цахІнабли Россия ва нушала Дагъистан кьянти аги-кьяйдализи дикилри. Дахьал челукьути секІал лерри. Илди политикаличил, экономикаличил, социальный баркьудиличил ва халкьла гҗямурула цархІилти шалубачил дархдасунти сарри. Нушани кьасбарира хьунул адамти жамигҗатла ва хьалибаргҗла гҗямурулизир жигарла бутлакьяндеш дирахьес бяхІчааэс.

- Хҗушала рухІла гҗямурула центрлис бекІдеш дируси ва хҗушала жамигҗатлизи цаибти гунзри кацлахьес икьалавиубси чи сайрив?

- Бусурман хьунул адамтала ургаб хҗянчи дурабуркІуни итхҗели тамай сагаси баркьуди сабри, илбагьандан бахьалгьунти светский кьуллукьла хҗянчизартицун ахҗенну, нушала се-биалра бетарниличи рухІла шайчибти нушала узбира рузбира балли бирхули ахҗенри. Бахьал сабри хьунул адамли сунела хьалибаргҗла гҗямурулизир бутлакьяндеш диралли, лерилра цлакьани дурхІни абилкьнилис ва хьалицала хҗянчилис дедлугалли баибси саби или халбирути.



Нушала организация алқалхўхўели, нушаб гьар тьхўрли дирғалабулхўутира лебри. Илгўна хўянчилизи ахўес далдизурти Россиялизир нуша цаибти сарри. Нушала я харжани аги. Аги бузерила опытра. Амма илди лерилра суалти нушани цалис гьергўи цали гўнчидушира ва жамигўятла бузери ташбатес бажардидикира.

Нушаб халаси кумек гьеббаахўиб дин хўясибти нушала узбанира. Чумилра суал арзили бекўдарахўес икўалабиуб илди.

– **Хўшала бусурман хўнул адамтала жамигўятлис икўалаирусси ва гьердурцуси сайри или бурули саби гўанна нушала ургав агарси, бусурмантала ургав халаси хўурматличил пайдалаирусси шайх Чиркўейлизивадеси Сягўид-Апанди.**

– Гье, илкўяйда сабри. Сягўид-Апанди левни итхўели нушала халаси игўбар сабри. Хўурматла шайхли нушала лерилра далдуцуни гьердурцусири, илини нуша гўяхўти баркўудлуми ва далдуцуни дурадуркўахўес дьахўичиутири. Ил нушачира ваши, нуша сунечи Чиркўейлизира дикира. Иличил дарх нушани нушала плантира сиптабира пикридирутири. Нушачи разивиубсири ил «Бусурман хўнул адам» бикўуси газета абхўибхўелира. Ункўли чебаиб дурхўнас дурайуси журнал «Нушала аманат». Илини разидеш багўахўур «Муслимат» жамигўятли «Хўяпизунала школа» абхўнира. Ил разили сайри биштўатала рухўиличи нуша илди камти гўямуруличиб лебалли пикридикўес дехўидхўиниличи.

– **Хўшала центрли дурадуркўути далдуцуначила тўинтўливан хўебуриду?**

– Селисалра гўалаб, нушала центр адамтала рухўла гўямуру гўаладьяхўи дашахўнилизиб бузули саби. Динна хўекўлизирти тьхўяр-кўяйда хўедалути нушачиб бахўал леб. Ил шайчир хўнул адамтала дагўрира чедицўахўес хўяжатли саби. Жагўилтачил бируси хўянчилилизир гўачамлис гўяхўицад чедетаес далкўхўеурти секўалра лер. Нушала устадешра имцўадикўули сари. Адамла рухўиличи асарбарес дебали халати устадешра диес гўягўнити сари. Жагўилтала ургав наркотикуна дагўри агўуладарибти бахўал кўяршибиркули саби. Кўалпла гўялимтани тўинтўидирути «гўилмуртала» асарлиу биркути камли ахўен. Такўсирти дирнила гўуйчи кабизурти, экстремистуни бетаурти кўяршибиркули саби. Дурхўначил ва жагўилтачил дузнила программа леб нушала. Жагўил рурсеби биалли хўалицўаличи ва нешдешличи хўядурбурулра. Ил мурадлисра нушани программа цахўнабьяхўира ва гўямурулизи дурабуркўула.

Декўарли бурес гўягўинибиркур нушала жамигўятли дурадуркўути гўяхўбаркўула далдуцуначила. Цўурьабас, гамўабас, зягўиптас, бахўал дурхўни лебти нешанас, кўяянти аги-кўяйдализи дикибти хўалибаргунас диубсигўуна кумек гьеббиахўула.

– **Сегўуна даражала ва сегўунти гўямурула хўнул адамтачил дузулрая хўуша?**

– Бекўбархўил нушаб пасихўиси шайх Сягўид-Апандини духуси ва кўиматлабарес кўяянси насихўят бурибсири – сегўунтилла шуртўри кахўедизахўес, хўнул адамтас хасбарибси рухўла гўямурула шайчибси центрлис сегўуналра анцўбукўлизир мижит саби хўедикўахўес.

«Муслиматла» унза хўшала уркўибиван декўар-декўарти гўямурула, социальный даражала, декўар-



декўарти миллатунала ва чула дин бузахўути хўнул адамти биаб.

Нушачиб ца партала гьела кабиили хала нешра илала уршила рурсира бизес бирар.

– **«Хўяпизунала школа» акўахўес ибси пикри секўяйда акўубсирив?**

– Стамбуллизирти рухўла центртала цали нушачил барсур опыт бьаркўес дигўиличила багўахўур. Илаб азир рурси бучўуси медреселизиб сукўур рурсбала кўукья лебри. Илдани Кўурьян уркўиличиб руркўули буилри. Илди Хўяпизуни бетаурлири. Нушала рурсеби илди тамай сукўурти бьўни багўурхўели, илди язихў-бизурли, бисули калунтири. Кўурьяйчила гўайбикўухўели, илдас лебилра дунья чусцун бедибтигўунти сабри, илди талихўчебли бьўни багўеслири. Илди Кўудратла Вегўлис баркалла бикўулри чус Кўурьян уркўиличиб багўахўес ахўри бедни багўандан. Илхўели набзи пикри бакўиб: илаб сукўур рурсеба Кўурьян уркўиличиб багўес биубли саби, нушачибти чебиути ва ара-сагўти рурсбани ил барес сен хўебируттив ибси. 2012 ибил дуслизиб нушачибра «Хўяпизунала школа» абхўес бетаурсири.

Гўаннна биалли гўар дус Кўурьян уркўиличиб бучўантала абзани булан дурадуркўула. Кўурьян уркўиличиб балути Дагўистайзибра гўанна дебали бахўал леб. Идбагла хўядисуназибра сунени Кўурьян бучўнира ил бучўахўес цархўилти бурсибирнира дебали ахўли кўиматлабирули саби.

– **Дурхўнас хасбарибси «Аманат» бикўуси рухўла шайчиб бьаркў бедлугуси центрличилара хўебуриду?**

– «Аманат» гўанна вецўал дус бирули саби. Никўаби нушала исламла динничил тьянишбарес багўандан акўахўубсири. Дурхўни бусурмантала байрумтачи палабиркули саби, илдас конкурсуну дурадуркўули сари, викторинаби детурхўули сари. Дурхўни булгес бурсибирули саби. Идбагуначила балули саби. Дуббурцес бурсибирули саби. Нушани дурхўназир Ватўайчи дигира адилкўула. Кўурьяннизибра ил бирахўес чебаахўили саби. Дурхўнас хасдарибти динна хўекўлизирти жузи дурайула.

Ислам – илкўун адамла гўямурула бетуц саби. Исламли нуша алавчарси дуньяличи хўердикўахўес бурсидирулра. Динничи вирхуси адамли гўямурула кўиматладарес балули сай.

Эльмира ИБРАГўИМОВА





# Неш

Тести Гямрула хънула адам цяб-си хъули кариилри. Ил гъанна рузес рирули ахен, ил хилхли сари рашес рирус: къяшма рихули ахен, илди иличи лехихъули ахен. Ил хъулир кариилри ва пикрумазир сарри. Къакъализирад иргъути забла тамаличира лехихъулри. Забра тамандирули ахенригу, илди жумягцадхли тлашдилзули ахен. Илини рах-рахли къакъализирад шалгердулхъути автомашинабира хлясибдирулри.

Рах-рахли иличи гъаббаклес баклибти тухумтира илала рурсили хъули абицлахъули ахенри, илдазирад неш чейхъуси изайси риркур или урухъули – коронавирус биклуси мусибат илдала шилизира сабаилри. Унзала дурабад Зарачил гъайкабхъи, илала мягни-хлял дагъурли, музабухъунтира тлашлебизурли арбашулри. Даршани дагъистанланти къяйдали, Зарала уршира узес сагали Питерлизи арякъири. Хлянчи баргес хлейуб илини Дагъистайзиб. Ва цархилтачил вархикили, Питерлизи арякъун. Зарала риштлалгъуна рурсира хъайчир сари. Ил шила дублабси къатлизир хъалибаргличил хлеррирули сари.

«Секъяйдали гямру къалабали шалгердулхъулил, -пикририклул-

ри Зара. – Ца бархиван аркъулигу илди. Селра барес ралкълеурли, гъар бархила къайгънани гямрула черкад пикрирухъахъесалра биркахъули ахен. Марлирагу, гямрула гъуни ахирличи биркухели, имцали дурхлядеш гъандиркули сари – гъаларла разити бурхни, ихтилатуни, дурхляхелила балликъянаби». Итхелира илра гушрирусири ва риргусири, амма разити бурхлини лерри. Итхели илала нешра дудешра лебри, лебри хлябал узира. Лебилра мицдилри сабри.

Гур иличира къяянти бурхни даклиб, нешра дудешра жявли беклиб. Ва сари биштлати узбас къакъбяхъли ретаур. Къяяндешуни дахъал лерли диньниличи хлерхеили, ил итхелира уркличерли сарри. Илала нешра дебали разиси ва сарерхуси адам рирусири. Рурсира дахъал секлайзир сунела нешличи мешуси ретаур. Нешла хлял-тлабиглят илини сунела узбазирра хлясибдирулри. Беглара дергъ бемжурси замана Зара урегал дус риублири. Сталинна буйрухъ хлясибли илдала биштласи шила лебилра халкъ гъалакли диркъаличи гечбарибтири. Чула аклубти мер-мусаличибад чяянти дураили, дацли гелар калунти илдала ери-юртлизи мерлабарибтири. Дудеш дявтазив

сайри, душмантачил ургъули. Дергъла цаибти бурхназивал ил душа хлярхляли варгилри. Нешличил хлябалра узира сарира Зара диркъаличи уряхлрухъун. Дубурлизиб хлербиру-тас итхели илкъяйда биклулри.

Итхели Акташ хлеркла дублар ца-хлябал галга сарри биклар лерти. Дацли мер-муса дуилри иларти. Цаибти яни диркъаличир ванзализир дуркъибти пукъназиб берклибсири. Амма бузерили адамлизи гъунарти дирахъули дуили сари? Илабси гячи бетаурси ванзализир халкъли цледешла унхъри дариб ва гур илди цледешли дерхъиб. Уртахъси хозяйство къалабали гъалабяхлял башулри. Илар удатурти тлутила унхъри сабухъ лугес дехлидхъиб. Жагаси ши бетаур.

Илкъяйда хлербирули калун илди: нешра хлябалра дурхляра. Дурхлини школализира башулри, акъуси замана биалли нешличил барх хъуличиб бузулри. Илдани дахъал хиви дурчутири. Илар хивала дахъал галгубира лерри. Унрала эмхеличир илдани хиви деклар-декларти шимази ва базарличи дицесра дихутири. Имцаливан илдани хиви гавлагуназир чули къакъличи гелахъилира дихутири.

Диркъаличирти тлабиглятла шуртири дубурлантаци далдикибти ахенри. Илбагъандан илди илаб гъаман зягипбиркутири. Илкъяйда бахъал адамти беклибтири. Дурхлина нешра илар зягиприкиб ва, рахъли кахели, реклиб. Дурхлиназирад халасигъуна Зара итхели Иб дус сарри риубси. Биштлати дурхлина анхълизи арбулес баклиб, амма Зара илди арбукахъес къабулхлерикиб. Илди сунени абилкъас или чумали каризур. Батур иличиб дурхлини...

Гъайгъай, тухумтани узби абикъахъес Зарас кумек глебнахъусири. Итхели адамти дебали уржибти сабри ва цалис итилли икъалабирес хлядурли бирутири. Дурхлини сабнахурти ва уржибти сабри. Илди гъанна чилалра кумек агарлира хлербирес бирулри. Лебилра халабаиб ва ара сагъти бетаур, гляхли адамти бетаур.

Шимазиб бузахъуси глядат хлясибли, замана баибхели Заранира сунела хъалибарг аклахъуб. Ил дебали гляхли адамлис къадарриуб. Бузери дигуси, серхурси, гляхли адам сайри.

Зарани дигалли къяянти чедаиб, дигалли разити бурхни чедаиб. Чянкли илала биштлал алклули ахенри. Сари релси дурхля агарли калун ил. Ахирра, Зарани сунела тухумлизивад айкъес дурхля сасиб. Илала халаси хъалибарг лебри. Гъамтира мякълаб хлербирутири. Илис редибси рурси сарри. Дебали жагаси ва сарерхурси рурси ретаур. Духусира бузери дигусира сарри ил. Школализирра ункъли ручлес бажардиркулри. Нешликра ил



гІяхІси кумекчи сарри. Гъайгъай, рурсили сунела гъарли-марси неш чи сарилдра балусири. Илизибад селра дигІянбируси ахІенри. Илала узбирузбира лебри унраличиб халабиули. Лебилра гІяхІил хІербирулри. Илдас хІебиуси аги.

Амма хапли илдигъунти пергер ГІямру Зарала хапли дарсдиуб. Камси заманала гІергъи шилизиб хабар тІинтІбиуб илала мурул ГІялила кІибиб хъунула лер или. ИтхІели «кІиибти хъунрачила» гъай хІедири. ЧІянкІли урчІемцІали ибти балагъла дусмазиб сабри «кІиибти хъунри» багъарбиубти. Жявлира бурсибиубгу адамти илдигъунти аги-къяйдализиб. Халкълизиб бурала булан багъарбиуб: «ХІябал муруладам цалабикилив, илдас кІиибти хъунри кабиэс дигули саби» ибси.

ГІялилара шагъарлизир кІиибил хъунул дусличирра имцІали лерли руилри. Илизибад ГІялила виштІал булан акІублири. Сунела къуллукъни бекІдарес шагъарлизивякъунхІели ялкъзси хъунул адамличил тянишиубли уилри, ил илис шери рукъесра къабулрикилри. Сунела дурхІни биахъес ибси къас чедибикилри ва илгъуна барес гъириубли уилри.

КІиибил хъунуйчила хабар аргъибти Зарала тухумти цалабикиб ва узбани рузилизи ГІяличирад арукъес гІягІнибиркур или аргъахъиб. Илгъуна цІахдеш чекасес хІедирехІе или кабизур илди.

ИлхІелира Зарани сунела чІумати хІял-тІабигІят чедаахъиб. Муруйчирад чиналра архІякъяс или чІумали каризур. Чула юрт лушнилизир илинира жигарла бутІакъяндеш дарибтири. Гъести ГІямруличир ну чина аркъусира – тухумтала хълрази карирусирив или, чІумали каризур. Дигули виалли, ил сай арукъяб, деба мага варили хІеришану, рикІар.

УркІи чеббурхуси Зарани ГІялила уркІи аргъес булан къасбариб, иличирад черкарерхур. Я иличи гъими бихІули ахІенри. Гъаларван жигарчерли рузулри, рурсира арилкъулри. ГІялинира азгъиндеш дирули ахІенри: хІяйвантас дугени кадирхълри, ванзалис къуллукъбирулри. Илкъяйда ГІяли клел хъайс узулри. Амма мураара хъунара ургарти бархбасуни гъаларлагъунти ахІенри. Илди бархбирес бурсикабиубтиван хІербирулри, илдазивад цалалар ГІямру дарсдиахъес ибси къас аги. Зара сунени арикъурси рурсила къайгъназир сарри. Зарас бегІлара дигуси рурсила дурхІни абуцес сабри.

Адамличи се-дигара лябкъули саби, илхІелира хІу сунечи бекІлил хІерли ахІенси замана. Къияндешуначи хІу хІядуриублирив или къисматли хъарбиули хІебирар. КІиибил хъунуйчил автомашиналичив

чинарил аркъуси ГІяли бехІемцІлизи викилри. Хъунул бехІемцІла замана мерличир таманкариублири, сай биалли мицІирли калири. ИлхІейс илдала клел биштІати лебри уршира рурсира. Илди дурхІнира ГІяличи хъарбикиб.

Зарани ГІялизи иб: «ДурхІни нушачи сабука. ГІур чили сабив илди абилкъути, нушани ахІи...».

Илкъяйда Зара кІинайсра неш ретаур. ИлхІейс ил авцІали дусличир имцІали риублири. ДурхІнала дурхІнас къуллукъбирути дусмачи арикилри. Ил биштІати дурхІнала неш ретаурлири... Илала ГІямру сагали биштІатас дирути къуллукъначил дархдасунти детаур. ГІурилди дурхІнира халакабиулри, школализи башулри. Нешлис къайгънира бархІиличи бархІи имцІадикІулри. ДурхІнас гІяхІси бяркъ бедесцун ахІенну, илдази багъуди касахъесра хІяжатлири. Рурсби шери бедес, уршби хъайчикабатес хІяжатлири.

Заманали гъар секІал гъунчидуршули дуили сари. ХІязлис буили ахІен заманалис бегІлара гІяхІси тухтурсаби бикІути. Гъаннашилизи илдала дурхІначила гъанбуршусира агара. ГІялара гъанна мицІирли агара. Ил зягІипикиб ва вебкІиб. ИлхІели дурхІнас Зара нешлира дудешлира ретаур. Рурси шери редлугухІели, ГІяли мицІирли аги. ГІур уршира хъайчи катур. Гъанна Зарала урши-рурсилчибад акІубти верхІел леб. ХалабархІи лебилра хъалибарг нешличиб цалабиркули бирар. Секъяйда разибирарал илхІели нешла уркІи! Деза Алагълис! – рикІар Зара, – рухънараибхІели, ну цундешлизир хІературра. Сецад леба гъанна цунти хъунул адамти – илди яра шери хІябкъяи кали саби яра

жявли муйлазибад декІарбикили саби. Илдазибра Зарагъунтира леб: чула биштІати ахІекІубти. Илдигъунти хъунул адамти Зарас мурталра язихъбилзули бирар. Се биэс бирусив цундешличиб вайси?

Къияндешунира ГІелар калун ва илди гъанна Зарас рахлира гъандиркули ахІен. Ил сунела къисматличи разили сари! Сахаватси уркІила регІ адам сари ил: дигахъесра рирар, черрурхесра бала. Адамли цархІилтас барибси гІяхІдеш хІябкабиубли вегІличи чарбулхъуси буили саби.

Илис гъанбиркуси ахІенри, гехІцІали дус хІеррирус или. Илдира дебали жявли ардякъун или гъанбиркули саби. ХІебиалли илала ГІямру баркъудлума дурхІнадицибти дуили сари.

– Неш, хІед шала абалкишав? – хъарбиули сари хъули някълизиб чяйла пигъайчил рухІнахъибси рурсили. Илис ГІеларад хъули дуцІли рухІнайхъули сари шел дус риубси рурсила рурсира, илала някълизиб чурми даткаибси начи саби.

– Баркалла, дила рурси. Пигъала улкъайличи кабихъа. Шала атмабулкад – наб ГІурра камси цІябдешлизир калес ва ГІямруличи пикрикарухъес дигула, забла тІамаличира лехІахъес хІяздулхъули сари. ТІабигІят бисули саби или гъанбикесли саби. ДуцІрумкІун шалгІердурхъун. Гъанна гІебшнили гъар секІал чула арилизи дуцили сари. ДяхІи баресра халаси замана кали ахІен. ИлхІели янира сабиур.

Тамашариула, секъяйдали дула замунтачил тІабигІят барсбикІулди! ХІеб садиур ва гъар секІал мицІирдирар.

Гульнара АСАДУЛАЕВА







Жявллил хІясиббарибси саби, гъанагарли школализиб бузес къадарбиубтани иларти гІямрура бузерира гъандуцес бирули ахІен, илди илабад арбашули саби. Илдигъунти башули ва арбашули саби багъуди кайсахъути учреждениебазибад. Сунела бузериличира дурхІначира дигили бицІибти биалли илаб калес разили саби, гъирачебли бузули саби ва талихІчебли хІербирули саби.

«Эгер учительли сунезир бузериличира дурхІначира диги дархдяхъес вирули виалли, ил гъарли-марси учитель сай», – илкъяйда белкІунсири учительличила Л. Толстойли.

## Илдигъунти саби бирүти...

Сецад гІяхІти гъай дуриб-тил илдигъунти пергер адамтас! Гъай учительличила сари. Педагогла санигІятли адамлизирад мурхъти багъудлумицун ахІенну, рухІла цІакъанира, халаси сабурра, гъабзадешра тІалабдирули сари. Илдира даибти дуили ахІен, сенкІун къиянти агикъяйдализибад бегІлара камти детахълуми диахъублицун дураулхъес устадешра диэс гІягІнити сари илизир.

Иш яргалис наб илдигъунти учительтала лугІилизирад цаличила – Хайдакъла районна Мажалислизибси Темирхановла уличилси СОШ-лизир историяла учительли рузуси Мурадханова Гулизат Мажидовначила бурес дигулра. Цазаманализир ил МяхІячкъалализибси пагъмукар дурхІни бучІахъес хасбарибси лицей-интернатлизирра гъанна авэсил дус рузули сари.

Гулизат Мажидовна 1960 ибил душла апрельла 10-личир къул-лукъчила хъалибарглизир акІубси сари. 1977 ибил дуслизиб илини Мажалисла урга даражала школа таманбариб. 1979 ибилдуслизир ил Вологда шагъарлизибси пачалихъла пединститутлизи каберхахъес хІядурбируси курслизир ручІули калун. Ил историяла ва правола факультетлизиб белчІуди даимбарес хІядуррикІулри. 1982 ибил дуслизир ил белчІуди даимбарес Дагъиста пачалихъла пединститутлизи шурурухъун ва 1985 ибил дуслизиб исторический факультет таманбариб. ИлхІейчирад рехІрихъили ишбархІиличи бикайчи, 35 дус историяла учительли рузули сари.

Школализир рузесра даимриубли, ил 1999 ибил дусличирад Хайдакъла районна «Мажалис» бикІуси ТБС-ла редакторлира рузули калун- урегал дус мерла

телевидениелис «Хайдакъла хабурти» ва «Гъанбиркахъни» бикІути передачаби хІядурдирули.

Гулизат «2018 ибил душла Россияла бегІлара гІяхІси учитель» бикІуси конкурсличир чедирикисари. Илала бузерила ва пагъмуртала шайчирти устадешлис бикъридеш дирути сецад лишанти лерал! Ил «Дагъиста халкъла багъудила отличник» сари, «РФ-ла цахІнабси багъудила хІурматла хІянчизарра» сари. Илала бузери «Россияла патриот» медальличилра къиматлабариб. Дагъиста нешанала I–ибил ва II–ибил съездунала бутлакъянчи сари ил. Илкъяйдали илини «Дагъиста челякъла нешанала някъбазиб саби» бикІуси мажлислизирра жигарла бутлакъяндеш дариб. Илкъяйдали ил Дагъиста культурала-тарихла жамигІятла членра сари. Ил Санкт-Петербурглизибси «Урусла музей» бикІуси виртуальный филиалла



хИянчизарлира калунси сари. ЧебяхИси категорияла учительсари. Мажалислизбси Темирхановла уличилси СОШ-ла край руркьуси музейла руководителъра республикала ТОКС-ла кIел отрядла руководителъра сари.

Сунела предмет ункъли балуси ва дигахъуси педагог сари, методикала сагати тяхIурти халаси иштяхIличил бузерилизир пайдаладирули сари. ДурхIнас илала дурсри дебали дигахъу. Гулизат гъарил дурхIяличил рузес къайгъилизир рирар. Илини школала жузла дурарадти баянтира дурсрачир пайдаладиру, улкала тарихлизирада хъал мисалти дуру.

Илрурибси край руркьянра сари. ДурхIнас патриот бяркъ бедлугнилизи халаси пай кабирхъули сари. Мурталра умцIлабазирси педагог сари.

Илини сунела бузериличил районна шимала учительтачилцун ахIенну, лебилра Дагъиста школала историкуначилра бархбасуни кадизахъурли сари. Гъар секIайчи творчестволичиван гъамриуси специалист сари. Илдигъунтас бирар бирусилизи уркIи кабирхъуси хIянчизар сари бикIути. Пагъмучевси адам чумилра шайчив гъалавяхI арякьунси виарар, ил сунела багъудлумачи къабулли хIейрар. ХIера, Гулизатли назмуртира лукIули сари. ЛукIулицун ахIенну, илди газетабазир ва журналтазир дурайули сари. Илала назмуртас ахъси къимат бедибсири Дагъиста халкъла поэтесса Фазу ГIялиеванира. Дагъиста писателътала Союзла председателъла заместителъ Мари-на ГIяхIмадовачилра бархбасуни кадизахъурли сари. Гулизатла урус мезли делкIунти назмурти «Стихи кайтагских поэтов» бикIуси жузлизира кадерхахъуртири. Ил жуз

2005-ибил дуслизиб МяхIячкъала-лизиб Дагъиста жузала издательстволи дураибсири. Илини сунела творчествола произведениеби педагогла бузерилизирра пайдаладирули сари. Дагъиста халкъла ГIямрулизир кадиркути мягIничерти анцIбукуначил дархдасахъи делкIунти назмурти халкъли халаси иштяхIличил дучIули бирар.

Гулизатли классла дурарра ГIяхIцад далдуцуни дурадуркIу ва илдазир бутIакьяндеш дарахъес декIар-декIарти классунала бучIанти битIикIу. Ил школализир дурхIнас бегIлара дигути учительтазирад ца сари.

ДекIарли бурес гIягIнибиркур илини ТОКС-ла руководитель сарлин дурабуркIуси халаси къадрила хIянчиличила. Илини дучибти Дагъиста тарихличил дархдасунти ГIяхIцад баянти республикала «Гъанбиркахънила жузлизира» кадерхахъуртири. Илала хIянчурбачил тянишиэс виарар «Урусла учительница», «Къумукъла халкъла энциклопедия» бикIути хIянчурбазивра. Мажалисличила жуз цахIнабирхъухIели, илди хIянчурби пайдаладирибтири Санкт-Петербурглизивадси поэт В.Д. Доценкони. Илала жузлис «Дагъистан петербурглантала объективлизиб» ибси у бедилри авторли. Илизир Гулизатла хIерудиур Мажалисла школализибси ТОКС-ла отрядла бузериличилара бурили саби. В.Д. Доценкони дучибти баянти илцадра дахъал сарри, илдазибад илини гIурра «Дила Хайдакъ» бикIуси жузра цаIабяхъиб.

Гулизат Мажидовнани хIядурдарибти цацадехIи передачаби Дагъиста РГВК «Дагъистан» телевидениелера чедаахъиб. Ца передача Мажалисла школализиб-

си ТОКС-ла музейлис багъишлабарибси сабри. ТОКС-ла отрядла бузерилис багъишлабарибси «Эхо Афганистана» бикIуси передача хIербикIутас дебали гIяхIбизурсири. Хайдакъла районна «Мажалис» бикIуси ТБС-лира дургъбала замана Дагъистайзиб бузули калунти урусла учительницабас багъишлабарибси передача чебаахъиб. Илра Гулизатли сабри хIядурбарибси. Фашистунала концлагерьлизир калунси I4 дуслу ГIямрула Галина Макаровачила буриси «Халати дьвтала риштIаси ясир» бикIуси передача балкъаахъур ва чебаахъиб илини. Илкъяйдали бахълис ГIяхIбизурсири Гулизат Мажидовнала «КIина акIубси» бикIуси телефильмра. Илизиб Афганистайзивад чулахъиубли чарухъунси кабиили волейболли биркъуси республикала команда капитан, Россияла верхIна чемпион, Европала отборочный турла чемпион, параолимпиадала хIязанала кIина призер Мамаев Ражаб ГIялиевичличила бурули саби. Ил Дяхънисала шилизивадси сай. Ил футболла команда капитан сай, Темирхановла уличилси МСОШ-лизив учительли узуси сай. Илкъяйдали бахълис ГIяхIбизурсири «Сунела чебла ахирличи бикайчи таманбариб» бикIуси телепередача. Илизиб ГIяхIмадкентла шилизивадси милицияла прапорщик Салаватов Салават Мусапировичла гъунарличила бурулри. Къчагъунани бекIлизивад декIли вяхъибХелира, илини зулмукартас чIумати къаршидеш дарибтири.

«Хайдакъла някъиш» бикIуси телефильмличилара гъанхIебушес асухIебирар, ил 2004-ибил дуслизиб ДР-ла жагъилтала ва туризмала Министерстволли







дураберкѝбси конкурсличѝб 3-ибил мерличили айкѝбѝбѝсири. Ил филѝм хѝядурбарни багѝндан Гулизат Мажидовнас «Дагѝста халкѝанала култура мяхѝкамбирнилизѝ каѝихѝбси халасѝ пай багѝндан» бѝкѝусѝ номинациялизѝб гѝяхѝсѝгѝуна режиссерла хѝянчи саблин кѝиматлабарѝбсири ва авторлис Хѝурматла грамота бедѝбсири. Хайдакѝла някѝишличила бурути илала передачабачи интернетлизивадра хѝеризес вирар.

Гулизат дахѝал далдуцунас сиптакарли дураулхѝсра бажардирѝрукли сари. Хѝера, илини сунени бучѝлахѝути дурхѝначил Избербашлизибси гехѝѝбѝл дурхѝнала юртлизи чумал дус архѝяѝи дурадуркѝули сари. Илаб хѝербирути ва бучѝути дурхѝначил дурадуркѝибти гѝунибаѝниби дахѝхѝи хѝумхѝертесли детурхули сари. ТОКС-ла бутѝакѝянчибачил илини дергѝла замана госпитальтазиб бебѝкѝибти бургѝантала хѝябрас кѝуллукѝбарѝб. «Кумекла някѝ гѝабати» бѝкѝусѝ илала балбуцра дебали жѝгарчебли бетерхурсири. Цархѝилти районтазѝрра илдѝгѝунти далдуцуни детерхуртири. Илкѝяѝдали илини ракла изайзи вѝлѝбси виштѝласѝ дурхѝялис дармандарахѝс хѝяжатти арѝ дурчнѝлизѝрра бутѝакѝяндеш дарѝб.

Авал дус гѝалар сарри ил Мяхѝячкѝалализѝбси пагѝмучебти дурхѝнас хасбарѝбси лицѝй-интернатлизѝр рузес ракѝѝбси. Ил сарерхурсѝ педагогличи жѝявли пѝкри бяхѝчѝаѝѝб. Разисѝ, жѝгарчерсѝ, сиптакар ил лицѝйлизѝ ракѝѝни илабси коллективлис биубси халасѝ гѝарбѝз сабѝри.

Лицѝйлизѝр илис сунезѝрти пагѝмуртира устадѝшра дакѝудѝрес гѝяхѝти шуртѝри лерри. Дагѝста учительтала Ассоциацияла пред-

седатель Анжела Байрамбековани Гулизат Мажидовнала бузѝрла опыт лебилра руспубликала белѝудѝла заведениебазиб, лицѝятазиб ва школабазиб пайдалабирахѝс маслигѝятѝбирули сари. 2020 ибил дусла сентябрь базлизиб ДР-ла багѝудѝла Министерстволи хѝарбарни хѝясибли Гулизат Мажидовнани «Дарх кѝа чагѝдешличи кѝаршили» бѝкѝусѝ онлайндарс каѝихѝѝб. Дагѝста пѝдуниверситетла исторический факультетла декан Нариман Асваровѝла Асваровла тѝлади хѝясибли илини сунени таманбарѝбси исторѝяла факультетла студентунас гѝаргѝсѝ дарсра каѝихѝѝб. Ил дарсличѝб гѝанналис 35 дус гѝалаб сунечил барх бучѝули калунти, гѝанна школабазиб преподаватѝли бузути бахѝал гѝалмагѝуниралебѝри. Ил дарс лебтасалра дебали гѝяхѝбѝзур.

Гулизат Мажидовнагѝунти пагѝмучебти педагогуни бахѝал кѝаршибирѝкули хѝебирар. Илини секѝяѝдали балулил дурхѝѝни дурсрачѝб жѝгарчебли бузахѝс! Илини дурсѝри имѝцаливан ишбархѝила гѝямруличѝлра дархдалсахѝули рѝрар. Дурхѝѝнира чузѝр алкѝути суалтачил иличи гѝаман дугѝабѝлзули бирар. Гѝариллис жаваб баргѝсра бажардирѝрѝкур. Илини сунечѝб бучѝути дурхѝѝни пѝкрибѝкѝлахѝс, алавчартѝ гѝямрулизѝр кадѝркути анѝѝбукѝуни дархѝли кѝиматладѝрахѝс бурсибирули сари.

Илала сабухѝебси бузѝри ДР-ла багѝудѝла ва гѝилмула Министерстволи, ДР-ла миллатунала шайчѝбси политикала Министерстволи, ДР-ла педагогунала Ассоциацияли ахѝли кѝиматлабирули саѝи. Илис бѝкѝѝридеш дирули сари илис дѝдѝбти лугѝилашала дахѝал Хѝурматла грамотабани, диплом-

тани, баркалала кагѝуртани ва кѝиматчерти савгѝатунани.

Иличѝб бучѝути дурхѝѝнира жѝгарчебдешличил декѝарбулхѝули саѝи. Илдала ургаѝ районнѝзѝр, республикализѝр ва лебилра Россиялизѝр дурадуркѝути жура-журала далдуцуназѝр бутѝакѝяндеш дирути бахѝал леб. Леб олимпиадабачѝб, конкурсуначѝб, цархѝилти далдуцуни детурхухѝели декѝарбухѝунти ва шабагѝатлабарѝбти.

Край руркѝѝнила шайчѝрти республикала конкурсуначѝр 2018 ва 2019 ибти дусмазѝр Мажалисла школала край руркѝянтани хѝябѝѝбти мерани дуѝцибтири.

Гулизат Мажидовнани бучѝлахѝули калунти дурхѝѝназибад имѝцатѝгѝунти гѝанна тухтуртили, учительтили, журналистунили, экономистунили, гѝяскуртазиб офицѝртили бузули саѝи. Хѝязлис ахѝен Гулизат Мажидовнани дурхѝѝнази багѝудлуми кайсахѝнѝлизѝр ва бяркѝ бедлугнѝлизѝр дѝахѝубти сархѝбдешуни ахѝли кѝиматладарѝли, илис «Дагѝстан Республикала рурибси учительла» хѝурматла у бедѝбси.

Илгѝуна сархѝбдешличил ил Хайдакѝла районна бѝкѝ гѝялим Темирбулатовли урѝкѝи-урѝкѝила рад мубаракрарѝб, илис гѝатѝира халати сархѝбдешунира, чѝумасѝ арадѝшра, талихѝѝра далгун.

Хайдакѝла ванза вавалибирхѝяхѝѝнѝлизѝ халасѝ пай каѝѝрхѝусѝ Мурадханова Гулизат Мажидовначѝ лебилра районна халкѝли пахурѝбирули саѝи.

*Сагасѝ дусра хѝед гѝатѝира сабухѝебсили ва талихѝѝебсили бѝтааб, хабарла педагог!*

**Сайгибат  
ГЯБДУЛКЕРИМОВА,  
Хайдакѝла район**





## ИЛ – ЦАИБИЛ САРИ!

Ге! Ил – цаибил сари! Дагъиста халкъла художник Белла Гялимовна Мурадова! Цаибил хъунул адам – Дагъистайзирадси гъарли-марси скульптор! Илала нешра цаибси сарри - черяхИси Барият Мурадова! Ил СССР-ла халкъла артистка сарри, илХелира Дагъистайзирцун ахИенну, лебилра Северный Кавказлизирра цаибил! Илбагъанданра ишаб Мурадовхъала лебилра хъалибаргличила декларли бурес гягИнибиркур. Ил хъалибарглизибад сецад пагъмукарти адамти дурабухъунал! Илдира цаибти, цаибти сабри...

**Б**елланира сари 80 дус риуси юбилейла дуслизиб пашманси тамаличил буриб: «Ухънадеш разидеш ахИен!» Ва нушани, илала лерилра балликъянабани, цахИнар илис дахъал мубаракла гъай дурира, сархибдешунира талихИра далгунра, илГерруцес музадухъунра, илХелира бархъли буралли, нушани нуша сарри Гердурцути.

Гъарли-марси пагъму дахъал анЦибукъуназиб мякълабтанера чехИебаили ва гьехИебуцили кавлули бирар. Ил чебааллира, илизи гъархъибатурли хИербиклули бирар, илала ур-

кИилизира рухИлизира сагъИедирути дяхъурби дирули. Пагъмукарлира гъанна Беллани бируси бирули вирар, сунела мурадуни датахъес ил адамван дураулхъули вирар, сунела урКила сахаватдешли, лебтачивадалра чевурхули, сунес диргалабухъниличичи ва децлагахъес бузули калниличичи хИерХеили, илХелира аги-къяйда цархИилван дирниличичи умут бетХейхъахъули: мурт-биалра иргъу, илала пагъму къматлабиру, илдани хИергъаллира, къматлахИебараллира – илдада дурхИнанилра иргъу ва къматлабиру биклули. Пагъмукартала

ургаб «бьлчутира» леб. Илди чула бузерилизибад гелумбилзули саби, творческий адамти сабливан илди таманкабирули саби, бубклули саби, сенкIун илди гьеббуцести айхъули ахИен...

Белла Мурадовала мурталра ил Герруцеси лерри – ил илала неш Барият сарри!

Рурсили нешла скульптураби гянжилизирад вецлани дариб: бараалра къбулХерикалри, балкъаурли таманбируси хИянчи Беллани ил бирули рузуси столличибад кабиркахъусири, барибси сурат бараалра



# Женщина Дагестана



На даргинском языке

## Учредитель:

Министерство информации и печати  
Республики Дагестан.

## Главный редактор

Н. М. КЕРИМОВА  
e-mail: j-dag@mail.ru

## Редакционная коллегия:

### заместитель главного редактора

А. Ю. АБДУРАХМАНОВА,  
e-mail: delia25@mail.ru

### ответственный секретарь

С. Х. БУЛГАЕВА

### редактор русского выпуска

Г. Х. АСАДУЛАЕВА

### редактор аварского выпуска

Б. Ш. МУХИДИНОВА

bahu4y@mail.ru

### редактор даргинского выпуска

П. Г. ВАГИДОВА

### редактор кумыкского выпуска

П. Х. ХАЙБУЛЛАЕВА

### редактор лезгинского выпуска

Н. Н. ИБРАГИМОВА

e-mail: shikhnabieva1981@mail.ru

### редактор лакского выпуска

З. Т. АБДУРАХМАНОВА

### редактор табасаранского выпуска

С. М. ИСРАФИЛОВА

## Корреспонденты:

Э. ИБРАГИМОВА,

А. ТАЖУДИНОВА,

В. РАТЕНКОВА.

## Заведующий редакцией

С. М. ГАМЗАТОВА

## Художественный редактор

Г. А. КУРБАН-АДАМОВА,

e-mail: guleymat@mail.ru

## Адрес редакции и издателя:

367018, Республика Дагестан,  
г. Махачкала, пр-т Насрутдинова, 1<sup>а</sup>.  
e-mail: j-dag@mail.ru

## Журнал отпечатан в типографии:

ГАУ РД Издательский дом «Дагестан».

## Телефоны редакции:

65-00-36, 65-00-37, 65-00-39, 65-00-40.

## Официальный сайт журнала «Женщина Дагестана»: [женщинадагестана.рф](http://женщинадагестана.рф)

Сдано в набор 28.12.2020.

Подписано в печать 29.01.2021.

Формат бумаги 60 x 84<sup>1</sup>/<sub>8</sub>.

Объем: 5,5 печ. л.

Заказ № 0107. Тираж (3414) 388 экз.

Журнал для семейного чтения. Издается с 1957 г. Выходит на аварском, даргинском, кумыкском, лакском, лезгинском, русском, табасаранском языках один раз в два месяца.

Свидетельство о регистрации СМИ ПИ ТУ05-00429 выдано Управлением Федеральной службы по надзору в сфере связи, информационных технологий и массовых коммуникаций по Республике Дагестан.

## На обложках:

— Патимат Геличова, общественный деятель, автор проекта «Русские учителя в Дагестане»

къабулхъеби калри, илра гъарбердили лайбикусири... Неш биалли илизи рикусири: «Аллагълирануша алкъахъхъели чархлизирра рухлизирра къаявтачил дарибтири! Гъар секлал гъахил сари, дила рурси, сабурбара. Гъалакмарикуд! Ху дила дебали пагъмучерси сарри!»

Нешли ил уркличеррирусири, илини гъахис гъайла ва лявла сегъуна цакъ лебсил балусири, сенкун ил сарира бирхауди хъебирхъути адамтачи къарширикули калунсири, иличира къяскабирути ва гъар тыхларли илис диргалабулхъес аварали бирхъути бирутири, агруми дурутири...

...Беглар дурхъати дугъби сен сарил зумали деклар дурули хъебирар. Хъебалас сен илкъяйда бирусил. Хуша гъахити хъунул адами сарра или ибхъели, нушакун вавалидяхъибтигъунти детарули дирехле! Цайли цагили! Агарли беглар гъямалагартили!

Белла Мурадовани вецани скульптураби дариб, даршани картинаби делкун. Илдазирад имцлагитгунтазир хъунул адам сари черяхъирусил! «Мадонна», «Нешдеш», «Хъалибарг», «Неш», «Дурхъаличичил неш»... Ва, гъайгъайрагу, «Гардла далай!» Сири гардбируси нешли дучлуги далугитани вирагу виштгал разили пиширхъяхъуси яра усалъахъуси. Гардла далайлизир нешли сунела уршилис гъахбалгунти дирар дурути, къудратла веглизирра неш сунела уршилис гъахдешуни дарахъес рирар рулгуси, илизиб нешли сунела Ваглан гапбаресра сунела халкъличи пахрубаресра хъумуртули хъерирар. Сунела урши яра рурси мяхкамбарес багъандан се хъебирули нешли?!

Белла Мурадовани алкъахъубти скульптурабани, делкунти картинабани хъунул адами нушала хала беглала гъадатани мяхкамдирахъес ва дузахъес жидирулра нуша.

Ил гъаман нушачи сунела произведениебазирад дугъарилзули сари: «Дила урклизирри бахъал жура-журала хъунул адами леблитгунти саби! Илди лебилра илаб балкабикили хъербиресра бирули саби. Нуни илди балулра ва иргъулра!»

Чила-сарил наградабала ва шабагъатунала бухъанси лугили, илдала даражали, къуллукъунани нуша цацахъели анар-ханардирахъулра. Илра адам виъниличила хъумуртулра — цацахъеликун илгъуна хъурматличи ва даражаличи айбси беклал иличи лайикъли ахъенси сайли увулхъули сай. Илкъяйда далкунти дяхъим-



цлабани нушази урглеббарибси хъахъабат чебиахъули саби! Нуша биалли илгъуна дяхъимцлагитчирра дирхули урдулхъулра къалли!

Амма урки-урклизиррад дурибти дугъбани нушачи сегъуна асарбирулилра чебиулра къалли нушани! Илдани нушала дагърилизир гъахити секлайчила гъанбикуни булан мицлирдирахъули дирар. Сецад секлал гъандикес ва дагърилизир мицлирдиэс дирулил! Ну Беллачил гъар къарширикибхъели яра ил наб гъанрикибхъели, илала хъанчурби чедаибхъели, дила урклизир дахъал пергер хъялани алкъули дирар. Рухлизир байрам бирар иличил гъайрикълхъели ва селичила-биалра ихтилатрикълхъели, ахъсиличила ва чебахъиличила хъулдикълхъели! Нушала гъамрура къисматунира ца тугълизи делкес хъейрар. Дахъал дусмазир цали ца дагъес чевкъули бирар. Ил рухъла шайчибси ца деш шалаван алкъуси буили саби, цархъилтасра ванадешра шалара дихули... Ил деклар камсив гъахити?!

Цацахъели тлабигъятла жагати суратунани нушази гъар секлал хъумуртахъули дирар. Илгъуна разидеш бихути сари Белла Мурадовала хъанчурби. Ил жагадешлизи ухъанухъахъес урки мурталра жибикълули бирар! Илдазисби гъарзадешличи!

*Гъайгъайрагу, дила ригуси юлдашилчила дигуцадхъи гъайриклес ва луклес ригус. Илис нуни дила назмуртира багъишладарира. Илала къисмат балули, ну гурра ца секлайчила хушачи дугъарилзулра — хъердиэсра Белла Мурадовала пагъмуличи ва ил сегъуна сабил хъясиббарая!*

**ШЕЙИТ-ХАНУМ ГЪАЛИШЕВА,  
Дагъиста халкъла поэт**





стали делегатами и гостями XIV съезда Русского ботанического общества в рамках "Ботаника в современном мире".

САНКТ-ПЕТЕРБУРГ

ГОРОДСКАЯ БИБЛИОТЕКА ИМ. А.С. ПУШКИНА  
САНКТ-ПЕТЕРБУРГ



